






Early European Books, Copyright © 2012 ProQuest LLC.
Images reproduced by courtesy of The Wellcome Trust, London.
4355/A





Early European Books, Copyright © 2012 ProQuest LLC.
Images reproduced by courtesy of The Wellcome Trust, London.
4355/A



Early European Books, Copyright © 2012 ProQuest LLC.
Images reproduced by courtesy of The Wellcome Trust, London.
4355/A





Early European Books, Copyright © 2012 ProQuest LLC.
Images reproduced by courtesy of The Wellcome Trust, London.
4355/A

Q

4355/A L

53 Rodol.





79266
NOVA ET MIR A
ARTIFICIA COMPARAN-
DORVM FRVCTVVM, OLERVVM, RA-
dicum, vuarum, & aliorum horten-
sium, quæ corpus blandè &
absque noxa purgent.

A D H A E C,
METHODVS PERPVLCRA
componendorum vinorum, quæ diuersis mor-
bis clementer succurrant: cum prisco & re-
centi catalogo quorundam.

AVTORE ANTONIO MIZALDO
Monluciano, Medico.



LVTETIÆ,
Apud Federicum Morellum in vico
Bellouaco, ad vrbanam Morum.

I 5 6 4.
CVM PRIVILEGIO REGIS.

107


ASIM TH AVON

SVMMA PRIVILEGII.

REGIA sanctione cautum est, ne quisquam alius præter Federicum Morellum Typographum Parisiensem, hæc nova & mira artificia comparadorum fructum, &c. Adhæc Methodum perpulchram componendorum vinorum, &c. Autore ANTONIO MIZALDO MONLVCIANO, Medico, intra quinquennium, absque manifesto autoris, & dicti Typographi consensu, sub Regis ditione imprimat, aut vendat. Qui secus fecerit, libris & pœna, in sanctione æstimata, multabitur. Concessum fuit Priuilegium Lutetiæ Parisiorum, die VII Augusti 1562.

Subsignante

CAMVS.



ORNATISSIMO VIRO AC
DOMINO, D. PHILIBERTO AB
Vlmo, S. Eligij Nouiom. & SS. Sergij & Bac-
chi Andegau. Abbati, necnō CAROLI IX.
& Reginae eius matris Architecto, eorun-
démque Consiliario & Eleemosyna-
rio ordinario, ANTONIVS
MIZALDVS Medicus,
S. P. D.

QVI res gestas Alexandri
Magni scribunt, vno
omnes fatentur cōsen-
su, Abbas ornatiss. il-
lum vsqueadeò gene-
rosi spiritus, & excelsi
animi fuisse, vt parua quæque & abiecta,
Aquilæ more quæ muscas negligit, vbi-
que despexerit, degenerésque ac inertes
homines, cane peius & angue perpetuò
oderit. Quid inquam homines? imò ve-
rò animalia quæ nihil generosum præ se
ferebant. Cùm enim Indiam peteret, fe-

A ij

EPISTOLA

runt Albanæ Regem ei dono dedisse in-
 usitatæ magnitudinis canem vnum : cu-
 ius specie delectatus, illico periculum fa-
 cere voluit, an corporis vastitati, virtus
 quoque responderet. Iussit itaque vrsos
 primùm, mox apros, deinde damas emit-
 ti, contemptim & immobili iacente ca-
 ne. Ea segnitie tanti corporis offensus
 Imperator, generosi, vt diximus, spiritus,
 tanquam inertem & degenerem protin-
 us à suo conspectu excludi, & vt qui-
 dam volūt, interimi iussit. Fama Albano
 factum nuntiat: itaque alterum mittens,
 addit mandata, ne in paruis experiri vel-
 let, sed in leone, elephantoue. Duos sibi
 tantùm fuisse, & hoc interempto nullum
 præterea sibi fore. Nihil distulit Alexan-
 der, & leonem statim supplantatum, fra-
 ctumque vidit. Postea elephantum iussit
 adduci, nō alio magis spectaculo lætatus.
 Quo inspecto, horrentibus per totū cor-
 pus villis, ingenti primùm latratu into-
 nuit, mox assultans ingruit, contraque
 belluam assurgens, hinc & illinc artifice
 dimicatione, quàm maximè opus esset,
 nunc infestans, modò euitans, tādū con-
 gressus est, donec assidua vertigine rota-

N V N C V P A T O R I A .

tam, summo spectātium pauore, afflixit,
tellure ad casum eius concussa. Hæc scri-
bo, Vir eximie, quòd metuam ne idē mi-
hi contingat, quod Albano cani. Quem
sicuti Alexander suo aspectu & contu-
bernio indignum censuit, quòd nihil ge-
nerosum præ se ferret: ita, iure optimo,
tu, non Magnus quidem Alexander, sed
magnus, re vera, Architectus, & magno
sublimique ingenio illustratus, Opuscu-
lum hoc tibi nuncupatum, tuis oculis &
bibliotheca indignum, iudicare poteris,
ac fortassis despicere, quòd nihil arduū,
præclarū, ac ingeniosum describat: nul-
lāmque similitudinem, harmoniam, aut
symmetriam agnoscat, cum insigni illo
ac subtili & planè diuino Architecturæ
tuæ artificio. Id sanè, vt verum fatear,
diu & multum me torfit, ac variè in di-
uersa distraxit: hinc dissuadente metu &
pudore, illinc verò suadente, ac animum
mihi faciente, candore tuo: qui nihil
quantumuis minimum, etiam si sit ab il-
la Architecturæ tuæ sublimitate ac digni-
tate alienum, reiicere ac despicere solet.
Addebam, te ex eorum illustrium artifi-
cum esse numero, qui de priuata domo,

A iij

EPISTOLA

palatium, & de tuguriolo castellum facere norunt: nihilque tam humile esse, quod arduum ac magnificum non reddant. Ex quo, certò mihi persuasi, te hanc nostram fœturam, haud dubiè paruam, non solum pro ingenti habiturum, sed ingentissimam quoque tuo favore redditurum. Quam si per priuata studia tua & serias occupationes, cursim, ut canis è Nilo bibit, plustrare ac legere dignaberis, fortasse inuenies, eam aliquid cōcentus agnoscere cum ea Architecturæ parte quam structoriam & ædificatoriam nuncupant. Ut enim illa à fundamentis sua ducit initia, & per parietes, ad summa sensim fastigia tēdit, ibique desinit: ita nostra medicandarum arborum & vitium structura, & (si sic loqui licet) Architectura, quam hoc Opusculo persequimur, à radicibus, ceu fundamentis, sua capit principia: & per arborum caudices, ceu per parietes quosdam, ad ramos usque, & fructus, summamque arborum fastigia, ceu quædam tecti culmina, scandit: ac ibi conquiescit, & desinit. Sed hæc, quod dicunt, nihil ad carmen & citharam. Ad me itaq; descēdo, qui in has hodie angustias incidi, ut re vera

cogar pauperculos homines, & rusticos imitari: qui cùm suis creditoribus, ob rei familiaris tenuitatem, soluendo non sint, illis nunc caseolo, modò fructibus, nonnunquam gallina, aut simili symbolo, voluntatum suarum propensionem testificari solent. Sic ego, qui tantùm fauoris & beneficiorum à te accepi, vt soluendo esse non possim, nunc chartulis, nūc libellis, aut alio perquàm tenui munusculo ceu arrabone quodā, animi mei propensionem tibi tantisper exponere cogor, dum referendæ gratiæ viam aliquam, sua pietate, nobis indicauerit ille, qui bonis mentibus & gratis animis vltro solet occurrere IHSVS CHRISTVS. Cuius bonitas immensa annuat, vt quod in manibus habes præclarum, & desideratū, innumerisque gētibus pergratum, Architecturæ opus, breui absolucere possis, magno Rerumpub. ac nationum omnium commodo: quibus nec tale ingenium, nec tantùm artificium, mirandis inuentionibus, figuris ac demonstrationibus illustratum, hætenus videre non contigit. Eia, Vir incomparabilis, i bene quò virtus tua te vocat, i pede fausto, &

A iiij

EPISTOLA

iac̃ta immortalitatis tuæ fundamēta, stabilire perge : non superbis quidem illis ædificiorum structuris, quę hodie per totam ferè Galliam te autore, inuētore & designatore visuntur : nec magnifico illo Reginae palatio, quod hodie ad Honora-
ta vr̃bis mœnia, te moderatore surgit, ac vnum pro multis fama loquetur opus; sed excellentissimis ingenij tui scriptis & lucubrationibus, quę ruinam & obliuionem non agnoscunt. Certa cum Vitruuij Architectura & inuentionibus, quibus tuapte industria plus lucis adferre potes, quàm ex illis vnquam acceperis. Perge illum vixdum cuiquā bene intellectum, nedum interpretatum, ad hodiernam praxim & opus accommodare, & exemplis demonstrationibúsque illustrare : rem sanè q̃ gratam doctis omnibus facturus. Confer antiquas priscorum structuras, delineationes, & symmetrias, cum recentiorum artificijs, descriptionibus, ingenijs & structuris. Ostende hodiernam Architecturam posse priscam æquare, vel etiam superare, si per Principum fauorem, sumptus, ac liberalitatem liceret. Doce vtriusque vsum, & quid hæc

N V N C V P A T O R I A .

ab illa discrepet. Demonstra posteriores dies, arte & ingenio, prioribus non cedere, & quòd dies diem docet, vsus quotidie multa profert, anni plurima concoquant, & multò plura limat ætas. Cogita te eum in locum & ordinem Dei manibus esse deductum, qui id summa cum laude, & immortalis gloria, fœliciter peragere possis, ac debeas. Cogita templa, arces & superba palatia, te autore, inuentore, & moderatore ædificata, posse aboleri igni, aqua, terræ motu, ventorũ tempestatibus, fulmine, bellis, seditionibus, & iniuriis aliis modis, vt visum fuerit tempori, rerum omnium, vt scripsit Pindarus, principio & fini. Quare, nec saxis, nec columnis, nec sepulchris, quantumuis marmoreis, nomen tuum sculpi aut incidi debet, sed libris æternæ laudis custodibus diligenter inscribi. In eam, obsecro, cogitationem incumbe, & quæ ipse pulcherrima apud te vidi, prisca & recentia quamplurima, ne, quæso, perire sinas. At per deos immortales, quorsum rapior? aut quidnam ago, illum imprudenter adhortans, qui alios tam strenuè cohortari solet? Quid cogito, memorem

EPISTOLA

monens, re vera, monendus ab illo? Ignosce, precor, Abbas optime, si quid ea in re peccatum est: tibi que persuade hæc à me scripta fuisse, non ut te cessantem, aut dormientem excitarem, sed potius, ut sponte & alacriter currentem alacrius ire incitarem: miro quodam erga te studio & amore, qui certum nescit habere modum. Quod ut boni consulas, peto & opto: anxieque efflagito, ut hosce Libellos duos de medicandis hortorum materiis, & vitibus, necnon de vinis medicatis & salubribus, tibi nuncupatos, hilariter accipias & gratos habeas. Quos, cum huius plumæ aliis, eo animo scripseram & collegeram, ut mihi, ac privatis duntaxat amicis, usus essent, & cochleæ, quod dicunt, vitæ perpetuò apud me agerent. Sed familiarium meorum quotidiana preces, ac multorum literæ, propositum hoc mihi excusserunt, & dictos libellos, quales quales sunt, ceu clavam è manibus Herculis, tandem extorserunt. Nec quidquam mihi profuit, quòd obiicerem, me nòdum extremam manum illis imposuisse, multa quotidie addere, inelaboratos esse, ac proinde me

velle illos iterum atque iterum incudi
 reddere, coquere & recoquere, vt paulò
 maturiores in lucem exeant: hocce præ-
 fertim tempore, in quo mirè delicata
 sunt hominū ingenia, & ventriculi cere-
 bri ad concoquendas digerēdāsque scri-
 ptorum cruditates, malè compositi & af-
 fecti. Ad hæc magis atque magis exaspe-
 rat, me in dies ad conuicia vsque per-
 sequebantur. Videte, inquebant, κακό-
 ζηλον Horatianum, qui dum suorum la-
 borum ac studiorum fructus, non in se-
 ptimum modò annum, sed nescio quot
 septenos, cum situ, puluere ac tineis, im-
 piè & perditè rixari sustinet, multos in-
 terim eorum vsu indignè ac inuidiosè
 spoliat: periclitatúrque, ne tandem mo-
 riens, sua etiam scripta secum auferat,
 vel ingratis hæredibus dissipanda, statim
 Vulcano tradenda, seplasiariis destinan-
 da, salsamentariis prostituenda, vel bu-
 tyropolis contrectanda miserrimè relin-
 quat. Hæc cum verissima esse certò sci-
 rem, & veluti ex tripode pronunciata,
 compunctus nolui ampliùs vlla vti ex-
 cusatione, ratus satiùs esse multorum sa-
 luti consulere, quàm meæ vnus volun-

EPISTOLA NVNCVPATORIA,

tati satisfacere. Vela itaque ventis commisi, & quod mihi & amicis proprium esse decreueram, commune esse passus sum. Quod fœlix faustúmque sit, precor & opto. Sed iam tempestiuum est vt epistolam claudamus, ne longæ orationi comes sit fastidium, præsertim apud eum cui sunt magna negotia curæ. Fœliciter itaque valebis, Abbas ornatiss. &

tuum MIZALDV M, si quidem dignum ducis, amare perges. Luteriæ, Calēd.

Nouēbr.

1564.

S V M M A E T P R A E C I P V A

Capita eorum quæ continentur in Libello de medicandis hortensium materiis, ut corpus blandè & absque noxa purgent.

PRÆFATIVNCVLA, in qua de officio docti & prudentis medici, cū scopo & instituto Autoris. folio 1.
De eligendis & apparandis materiis, ad hortensium medicationes idoneis, cum earundem electione, & catalogo. folio 3. & seq.

Modus primus medicandi arbores, ut illarum fructus clementer corpus purgent. Vbi de arborum ad id accommodarum electione. fol. 6. & seq.

Modi alij quinque, cum in rem admodum pulchri & perfaciles. fol. 9. & seq.

Artificia alia ad id, expedita & probata. fol. 14. & seq.

Aliæ arborum medicationes ad effectus alios quam purgandi corpus, summa animaduersione dignæ. fol. 17.

Fructibus arborum odores & sapes quosuis, necnon etiam colores posse eleganter ac faciliè comparari. fol. 18. & sequenti.

Arbores duæ valde admirabiles, & ferè prodigiosæ, folio 20. & seq.

De collectione, repositione, custodia, & vsu fructuum medicamentosorum, & aliis in Dendriatria obseruandis. fol. 22. & seq.

Quomodo fructus tam æstiu, quam autumnales, iam decerpti & asseruati, medicamentosi & purgantes euadent. fol. 25. & seq.

Quomodo aliæ hortenses materiæ ab arboribus, deiectionarias facultates induent, & sapes ac odores varios admittent. fol. 29. & seq.

Vites modis variis medicati, ut earum vix, & vina ex iis expressa, corpus absque molestia purgēt. fol. 32. & seq.

Aliæ vitium, vuarum & vinorum medicationes pulchræ & ingeniosæ, ad somnum, contra venena, & alia. fol. 35. & sequenti.

S V M M A E T P R A E C I P V A

*Capita eorum quæ continentur in Libello de
artificiis componendorum Vinorum quæ cor-
pus variè purgent, ac diuersis morbis cle-
menter succurrant.*

PRÆFATIVNCULA, vbi de variis antiquorum vi-
nis factitiis ad diuersos effectus, & miris medicati vi-
ni facultatibus. folio 38. & seq.

Vinorum medicamentoſorum artiſicioſæ aliquot con-
cinnationes, tam per vindemiam, quàm alio quouis tem-
pore. fol. 40. & seq.

Aliæ eorundem vinorum compositiones, magis tritæ
ac vulgares, & à plurimis expertæ. fol. 44. & seq.

Quædam obſeruanda, cùm in præcedētibus, tum etiam
ſequentibus, pro exacta Oeniatria. fol. 46. & seq.

V I N O R V M M E-
dicatorum particulares
aliquot formulæ & præ-
ſidia, ex Græcis Floren-
tini Georgicis.

catorum particulares ali-
quot formulæ & præſidia,
ex M. Catone.

Vinum factitiū ad aluum
mouendam. fol. 51.

Vinum factitium ex Ro-
ſis, Anetho, & Aniſo. fol. 49.

Vinum concinnare, ſi lo-
tium difficilius tranſibit.
fol. eodem & ſeq.

Vinum ex Aſaro, Pule-
gio & Fœniculo. fol. eodē.

Vinum ad Iſchiadicos.
folio 52.

Vinum ex baccis Lauri,
Petroſelino & Conyza. fol.
eodem, & ſeq.

Vinum ad tormina, & ſi
tineæ & lumbrici moleſti
erunt. fol. eod.

Vinum ex Ruta, Fœno
græco, Hyſſopo, & Apio.
folio 50.

Vinū ad dyspepſiam, &
ſtranguriam. fol. eodem.

Vinū ex Abſinthio, nec-
non Thymo. fol. eod. & ſeq.

V I N O R V M M E D I-
catorum particulares ali-
quot formulæ & præſi-

V I N O R V M M E D I-

127A
dia, ex Dioscoride.
Vinum Rhodites seu è
Rosis. fol. 53.

Vinum Absinthites. fol.
eodem.

Vinū Hyssopites. fol. 54.

Vinum è Betonica. folio
eodem.

Vinum è Thymo. fol. 55.

Vinum ex Asaro & ex
Dauco. fol. eodem.

Vinum Saluiatum, nec-
non Marrubiatum. fol. eod.

Vinum ex Apio, Anetho,
Fœniculo, & Petroselino.
folio eodem.

Vinū Granatorū. fol. 56.

VINORVM MEDI-
catorum particulares ali-
quot formulæ & auxilia,
ex Arnaldo Villanouano
& aliis.

Vinū mirabile, pro Me-
lancholicis. fol. 57.

Vinum Cardiacum, seu
cordiale. fol. 58.

Vinum Passulatum, vel
vuarum Damascenarum.
fol. 59.

Vinum Cydonites, siue
Cotoncorum. fol. 59. & seq.

Vinum Rosmarinatum.
fol. 62.

Vinū obstructiones ape-
riens & melācholicos emē-
dans. fol. 65.

Vinū ad oculos. fol. eod.

Vinum Enulatū. fol. 66.

Vinū Saluiatū. fol. eod.

Vinū Hyssopites. fol. 67.

Vinū Fœniculatū. fo 68.

Vinū Eryngatū fol. eod.

Vinū Anisatum. fol. eod.

Vinum Rhodites, siue è
Rosis. fol. 69.

Vinum Halicacabi siue
de Alkekengi. fol. 70.

Vinum Caryophyllatū.
fol. 71.

Vinū Gramineū. fol. 72.

Vinum Ebulatum, seu ex
Ebulo, vel Chamæacte.
fol. 73.

Vinum, fœtū in graui-
dis continens, & steriles ad
conceptū preparās. fol. eod.

Vinum Guaiaci, & eius
legitima compositio, atque
exhibitio. fol. 75. & seq.


Vinum è Sena, & com-
positio diluti ex eadē, cum
facultate eiusdē Senæ. fol.
81. & sequ.

Catalogus omnium Li-
brorum quos in hūc vsque
diem ANT. MIZALDVS
publicæ omnium vtilitati
expoſuit.

*Numero 2. linea 25. pro myriadibus,
lege chiliadibus.*

I
ANT. MIZALDI
MONLVCIANI METHO-

DVS NOVA, ET RARA, COMPA-
randorum fructuum, olerum, ra-
dicum, vuarum, & aliorum
quæ corpus blandè &
absque noxa
purgent.

 **N**EMINEM esse puto qui
non liberè fateatur, circum-
specti & prudentis Medici
ingenium ac studiū eò ma-
ximè conuerti debere, vt
purgantium medicamento-
rum, quæ vel sanis, vel agris, præscribit, sapor,
odor, &, quoad eius fieri potest, color, grati,
plausibiles, ac blandi reddantur: vt oculi vten-
tium, absque vlllo horrore, quod offertur aspici-
ant, nares sine despectu olfaciant, lingua, abs-
que nausea, degustet: ac ventriculus, cum vni-
uerso corporis assensu, iucundè & perlibenter
amplectatur. Res ea, ardua sanè, si vnquam in
votis fuit, hoc maximè tempore esse debet. In
quo non tam fastidientes sunt stomachi, quàm
delicatula palata, ac morosi & intraçtabiles

Quale de-
beat esse
cordati
Medici
studium.

B

Autoris
scopus &
institutū.

medicandi. Nam vel audito solius pharmaci,
ceu carnificis cuiuspiam, nomine, nec dum viso,
aut gustato eo, usque adeò fremunt, nauseant,
commouentur, desudant, & expallescunt, ut
nihil mors in illis commutatura videatur. Quod
dum sollicitè animaduertērem, operæ precium
me facturum putavi, si facilem & expeditam
methodum quampiam proponerem, qua duce
quiuis deinceps in suo hortulo, ne longius eun-
dum sit, olera, radices, fructus, vvas, & ut
paucis dicam, solita alimenta, in pharmaca &
medicamenta purgantia, salubriter ac iucundè
poterit conuertere. Quæ non tam grata, quàm
salutari impostura, beneficium nec præuisum,
nec expectatum (saltem nescientibus) summum
adferent. Nam siue manducabuntur, siue ex
decocto, vel aliter, hauriētur, corpus adeò blan-
dè, & absque ullo tædio, à superfluis & gra-
uantibus excrementis vacuabunt, ut qui sum-
psit, dicat, nihil sibi oblatum fuisse, nisi quod as-
suetum, familiare & quotidianū erat, applau-
dente visu, olfactu, gustatu, & vëtriculi, cor-
porisque vniuersi, assensu, ut diximus, & com-
plexu sanè quàm grato. Constat tanti artificij
lapsis hinc annorum duabus myriadibus, plus
minùs, autores ac inuentores omnium primos,
fuisse Pœnorum & Græcorum solertes Geopo-

nicos ac medicos. A quibus, ceu per manus, tam nobile & salutare inuentum accepit, & diligenter excoluit M. Cato: Dioscorides approbavit, Columella nō ignorauit, Plinius proposuit, Ioannes Mesuæ intellexit, Palladius non omisit, Arnaldus Villanouanus multum locupletauit, & neotericorum medicorum, qui rerum experimenta profitetur, diligens observatio apprime confirmauit, ac mirandum in modum adauxit. Beati medici, inquit summus ille philosophus & medicus à Villanoua, quibus Deus scientiam arcanorum naturæ impertiuit, & secretorum suorum conscios fecit. Honora tales, ait, quoniam illos elegit Altissimus, & naturæ quasi socios esse voluit. Sed, prò dolor, inquit, multi sunt ad medicinam vocati, pauci verò electi. Verū enim uerò, in Πελεγομελίοις versatum satis. Superest, ut rem, quod dicunt, attingamus, & unicuique facili methodo ostendamus, quonam pacto deinceps in suo hortulo copiam salutarium ac suauiter purgantium medicamentorum, sibi & amicis comparare facile poterit. Sic itaque à verbis ad rem transeo.

Catalogus
eorum qui
de medi-
catione
Hortensii
scripserūt.

Sententia
verè au-
rea, sed
hodie pa-
rum ani-
maduersa.

De eligendis & apparandis medicis materiis, instituto idoneis. CAP. I.

OMNIVM primum, si fieri potest, ineunda est tibi amicitia fidi ac periti alicuius medi-

B ij

Electio
medica-
mentorū
huic insti-
tuto ido-
neorum.

ci: & eo presente, apud quempiam Pharmacopolam vel herbarium, rerum medicarum diuitem, seligenda (si aliter non liceat) sequentium medicamentorum simplicium, purgando corpori accommodatorum, syluula: vt hortenses materias variè purgantes experiaris. Sed medicamenta ea, recentia, & quoad eius fieri poterit, succosa, ac è multis selecta esse debent: non exsucca, marcida, cariosa, olida, vieta, & ob id viribus exhausta, scopoque tuo prorsus inutilia. Si talia comparari non poterunt, saltem his proxima eligentur, & vbi operandum erit expurgabuntur, eluentur, & si opus erit, negligenter contudentur, ac die vno, vel horis aliquot, sicuti ostendemus, in aqua, vel alio idoneo liquore, macerabuntur: vt ad ingenium redeant, & collabentes vireis recolligant, ne frustretur opus, qua dicemus methodo, aggrediundum. Verum enimuerò, prius quàm illi manū admoueamus, incundum erit ac sanè quàm vtile, nosse facultates medicamentorum, quibus hortenses materiae tuae imbui debēt, vt hinc medicatae ac medicamentosa euadāt, pro tibi proposito scopo. Auspicabimur itaque catalogum à medicamentis, quibus M. Catonem, & ante illum Pœnorum, Græcorumque geoponicos ac medicos ea in re vsos fuisse legimus. Hinc gradum facturi ad

recentiorum obseruationes, & eorum maximè
 quos arcanorū naturæ locupletes esse nouimus.
 Veratrum seu Elleborus, præsertim niger, quo
 maximè vsi fuerunt prisci, vtramque bilem ac
 pituitam purgat. Colocynthis pituitam & bi-
 lem cum humore mucoso à neruis. Scammo-
 nea (succus scāmonij plantæ) bilem atram, nec-
 non flauam, ex sanguine & partibus lōginquis,
 perinde atque planta ipsa. Tithymali omnes,
 quorum genus agnoscit Esula, pituitam, aquas
 & atram bilem. Cucumer agrestis, vel asini-
 nus, cuius succum Elaterium vocant, pituitam
 & mucos à neruosis partibus. Turbith, pitui-
 tam. Lathyrus, aquas & pituitam: quomodo
 etiam Ricinus seu Palma Christi. Thymelæa,
 quæ Persis Mezereon dicitur, bilem, pituitā &
 aquas. Hæc à priscis inter arborum & vitium
 medicamentosas & purgantes materias, cōnu-
 merata lego. Quæ, si quis obiiciat recenseri inter
 violenta pharmaca, & ob id parum tuta esse:
 huic resþonsum volumus, illorum vim ac fu-
 rias frænari & alterari succis cōtrariarum qua-
 litatum, quibuscū miscentur, & vt ita loquar,
 concorporantur, ac transsubstantiantur. Addo
 quòd illorum impetus frangitur, & si quæ insit
 virulentia, coërcetur via, modo, ac tempore
 transmutationis quam subeunt: vt causas alias

Catalogus
 medica-
 mētorum
 hortensiu,
 cum fa-
 cultatibus
 eorūdem.

Resþo
 ad quædā
 obiecta.

omittam. Recentiores qui rerum secreta vigili studio rimantur & perquirunt, de observatione sæpius repetita promittunt arbores, vites, radices & plantas, etiam medicamentosas euadere à simplicibus pharmacis purgantibus, quæ hodie nobis in familiari sunt usu, & summa carent violentia. Cuiusmodi sunt Polypodium, Epithymus, Cartamus, Sena, Hermodactyli, Agaricus, Rhabarbarum, Tamar Indi, Myrobalani, & alia, ut paulò post dicemus. His positis fundamētis, structuram medicationum aggredior, & sic διωσπιατεῖαν nostram instituo.

Quomodo selectarū arbuscularum fructus ita medicamentosi euadant, ut corpus clementer & absque molestia purgare possint.

CAP. II.

Quæ arbores eligenda huic artificio.

CUM volueris tibi comparare fructus purgante facultate, aut alia dote, ut scribemus, præditos, eliges de multis arbusculam cuius tibi visum fuerit generis, sed ferentem fructus generosos ac suaues, humilem & parum supra terram extātem, iuuenem, quæ bimatum, aut trimatum non excesserit: in aëre libero & perflato educatam, læto solo natam, & ab hominum, pecorūque iniuria prorsus exclusam. Hanc per veris initia, dū omnis parturit arbor, vel paulò antè, ut feret anni tempestas & na-

tura, nonnihil supra radicem, ima parte findes, sed cortice clementer tractato, & nulla iniuria affecto. Deinde impactis fissuræ cuneolis ossis, vel ligneis, per longitudinem ad sesquipalmum, plus minus, pro arboris corpore & modulo, illā aperies: statimque quod ad apertum erit, emedullabis, si medullam quidem habuerit caudex. Quod si fissuram non possit admittere, nonnihil ultra matricem, ex alto terebrabis, & apto instrumento, medullæ portiunculam, vel eius loco, matricis, aut cordis, ut vocant, quidpiam auferes, vel derades. Ioanni Mesue hîc satis est arborem locis duobus vel tribus, vnius palmæ interuallo, tenuiter perforari, absque vlla medullæ spoliatione, ut mox dicemus. Quod si nec terebrationem etiam sustinere possit, ineunda erit via alia, sicuti postea docebimus. Vbi fissuram, aut foramen diligenter expurgaueris, pharmacum ex superioribus aliquo, iuxta scopum tuum electo, nonnihil tuso, & si opus fuerit, macerato, vtrunque ita inescabis, farcies, ac saturabis, ut prouerbij memineris, Ne quid nimis. Nam ibi quidquam nec pressum, nec plus æquo addensatum esse oportet, ut nutritioni arboris, & transpirationi suus detur locus, possitque per medullarem syphunculum, aut matricis ductum, vis medicamenti vnâ cum alimento sursum li-

Primus modus medicandarum arborum.

Hæc summe notanda, ceu vniuersalia.

Emplastra
vulneratis
arboribus
idonea.

Pulchra
Philoso-
phia hor-
tens & ru-
stica.

berè ferri, & formando, fouendóque foetui sen-
sim subministrari. Posteaquam id ritè peregeris,
tum demum latera plagæ, & fissuræ, ablatis
cuneis, ita committes, & vtrinque adduces, vt
nihil interhiet, aut difflatum, vel rimulam ad-
mittat: circumposito etiamnum vulneribus Ca-
toniano emplastro: quod argilla constat, vel cre-
ta, & arena cui bubulum fimum recens admi-
stum sit, & ad lentorem vsque subactum. Sūt
quibus abundè satis sit, cum Columella, paleato
luto bene subactò, plagas obducere, & superiori
parti vulneris, muscū, cespitē, ceram, aut picem,
tenero cortice vestitam apponere, ne pluuia illa-
batur, vel à frigoribus, pruinis, niuibus, gran-
dine, aut aliter, arbuscula desuper offendatur.
Postremò, omnia vimine, aut vinculo alio dili-
genter obstringūtur, ne diffluant, aut bestiarum
occursu, dissiliant. Eadem planè seruabitur di-
ligentia in muniendo & resarciendo foramine:
nisi quòd ad eius ostiolum, paris magnitudinis
& formæ teres lignum sic intrudetur, vt exactè
foramen claudat & impleat. His ad vnguem
& opportunè actis, arbuscula suæ relinquetur
naturæ, vt fructus, fauente cœlo, probè coquat,
& suo tempore decerpandos foueat. Quos expe-
rieris eadem facultate præditos, quâ intrusa me-
dicamenta. Ex quo verè dici poterit, Patrem

sequitur sua proles. Ioannes Mesue Arabice medicinae Doctor praestantiss. docens quomodo fiant pruna quae aluum subducant, & corpus vacuent, ad hunc scribit modum. Truncum arboris pruni, duobus locis, vel tribus, vnius palmae interuallo, tenuiter perforant, immissoque scammonio lutant: pruna ob id purgantiora euadunt. Dantur succo, vel decocto, cum saccharo, ad vnciam vnam. quo loco male scribi puto, librā vnam. Caterum, sedulo prospiciendum erit, ne ab erucis, aut aliis germinum praedonibus infestetur medicata arbuscula. Quod rarum esse haecenus observatum fuit, ob vim medicamentorum, quae etiam in folia diffunditur. Vnde illa ad multa prodesse nouimus, raroque vidimus ita medicatarum arborum foetus verminare.

Observanda & cauenda in hac Dendriatria.

Modi alij medicandarum arborum, vt fructus ferant qui corpus clementer purgent.

CAP. III.

QVANDO arbuscula, quo diximus modo selecta, germinum lactescentes oculos aperire, & carbunculos, florum suorum rudimenta, pandere satagit, statim ac sedulo, vitium more vndique est ablaqueanda, aut, si familiarius & crassius me loqui iubes, discalceanda, usque ad radicem fibras & venulas. Quae ubi

Secundus modus medicandarum arborum.

apparebunt, & ritè expurgatæ erunt, illis sursum ac deorsum fasciculos, vel, ut medicè, imò verò Catonianè & rusticè loquar, manipulos aliquot, ex suprà memoratis pharmacis, iuxta præscriptam methodum apparatus, sternes, consepeles, & infodies, superaggesta terra, optimo fimo debitè temperata. Si siticulosa erit anni tempestas, matutinæ & vespertinæ rigationis imbre quandoque recreabitur arbuscula, & ita suæ naturæ in tempus, colligendis eius fructibus opportunum, relinquetur. Hæc prisca est medicandi formula.

Tertius
mod⁹ me-
dicandarū
arborum.

Qui subtiliore sunt Minerva, & rerum arcana penitiùs scrutatur, hanc viam, foelici successu, iniisse, mihi nuntiarunt. Sub finem Martij, insignem ramum quempiam radicis generosæ arboris medium secant: Et quâ truncum vel caudicem spectat, in vas terreum humidis rebus, iisque medicamentosis & purgantibus, plenum, ita inserunt, & hinc inde lutant ac obstruunt, ut nihil effluere possit. Tum demum regesta terra, cœlo & aëri arborem in sequentem annum committunt: quo reuoluto, opus, si quidem necesse erit, iterant. Non dissimili artificio, quo Architectos, & solertes aliquot lignarios artifices, uti nouimus: dum sibi arbores comparare satagunt, quorum ligna variè fi-

gurata & picturata conspiciantur. Si quis loco Pulchra &
notanda.
medicamentorum, vel medicamentosarum plan-
tarum, odores, vel odoratas aquas, aut quid
aliud in vas consepeliendum immiserit, non so-
lum fructus arboris illius, sed folia & cortices,
idipsum miraculo quodam præ se ferre observabit.

Rei huius fidem de experientia constāter no-
bis faciebat, anno superiore 1563. amicus noster
Petrus Bellonius, paulò antè quàm impius ensis Petri Bel-
lonij cæ-
des deplo-
randa.
scelerati cuiusdam grassatoris, sub vespërâ, non
procul à suburbiis Lutetianis, illum nobis sustu-
lisset: dum Regios hortos, quibus erat præfectus,
ex mandato Reginae matris, inuisere satagit.

Rem eandem paulò facilius assequeris, si an-
tequam saluet medicanda arbuscula, circūfos- Quartus
mod⁹ me-
dicandarū
arborum.
sis eius radicibus, sed nullo ictu iniurioso offen-
sis, aquā macerationis & infusionis electorum
scopo tuo pharmacorum vel plātārum purgan-
tium, velut ex vbere sensim instillaueris, et dies
aliquot idipsum opportunè repetiueris, vel sal-
tem vna quaque hebdomade sollicitaueris, donec
defloruerit, & foetus sui plenum rudimentum
tibi exhibuerit. Si Aquilo spirabit, & gelu re-
gnabit, defendes quod dicunt, à frigore myrtos:
Quod fiet iniectis ad radices arbusculæ tuæ pa-
leis multis fimo pingui superonustis: sed ita, ne
fimum arborem propiùs contingat, & putrente

Via medi-
candi præ-
stātissima.

Quintus
mod⁹ me-
dicandarū
arborum.

suo calore illam funditus perdat. Id laboris & periculi euades, si frigoribus exactis, rem totam aggrediaris. Vbi re torrida erit aestas, sub crepusculum vtrunque, simili potione, sed paulò dilutiore, arbusculam subinde refocillabis. Modus hic est admodum expeditus, & paratu facilis. Nam cuius promptum est, plantas, ut vocant, laxatiuas, vbi que inuenire, & ex catalogo primi capitis, pro arbitrio seligere, ac non nihil contusas, diem vnū aqua multa macerare, & tum demum illa, quo dictum est modo, uti. Hanc viam omnium præstātissimam esse scribit Arnaldus à Villanoua, in operibus medicandarum arborum, plantarum ac vitium, ut proprio dicemus loco. Nam malitia rerum valde alteratur per recessum facultatis earum in aliam substantiam. Ex quo, inquit, sine vlla noxa & periculo facilis sequi solet purgatio ex illis.

Si quis arbusculas huic negotio accommodas non habebit in suo horto, fundo, vel prædio, arbore quantumvis magna, ad hunc modum uti poterit. Eligat ex ea ramum quempiam generosum & bellè educatum, quem Gallica terebra, aut aliter, ad medullam, vel matricem vsque, & non nihil ultra, perforet, facto satis amplo foramine, pro rami modulo. Deinde foramen illud medicamentis, ut dictum est, infer-

ciat, obturet, vestiatur, liget, ac ita naturæ regendum permittat, donec maturos reddiderit fructus, & summè medicamentosos, reliquis ex ea arbore nihil tale agnoscentibus. Modus hic tam est certus ac probatus, ut viderim quandoque pomiferam arborem, à perito artifice colono, quem vno aut altero colloquio institueram, ita medicatam & comparatam, ut quatuor ramis ex eodem trunco natis, poma diuersarum qualitatum & medicinarum proferret, ac aliis quatuor diuersorum saporum & odorum. Quod nec insitione factum erat, nec alio adulterandi artificio, quàm eo quod hîc describimus. Erat & id summè in ea arbore admirandum, quòd neque folia, neque fructus ramorum ita medicatorum ab erucis aliquo modo infestabantur, aliis eiusdem vndique populatis & erosis. Venio ad reliquos Dendriatriæ nostræ modos, ut ex pluribus habeas, vnde seligas.

Artificiū
valde pul-
chrum.

Sunt qui medicandas arbusculas opportuno tempore transplantent, sed ita, ut scrobi illis factæ & destinatæ, selectas herbas medicamentosas, stercoris loco, larga manu prius substernāt, & radicibus defossæ circumponant, ac demum adobruant, remisto pingui letamine terræ. Si feruida sequatur æstas, & insolens grassetur vredo, qualis per *κρυονάνθηα* sæuire solet,

Sextus mo-
dus medi-
candarum
arborum.

aqua macerationis plantarum substratis simi-
lium, arbusculam idoneis horis reficiunt.

Modi adhuc alij, admodum faciles, expe-
diti, & probati. CAP. IIII.

Septimus
mod⁹ me-
dicandarū
arborum.

QUIDAM ex Dioscoridis consilio, in vi-
no Phthorio, plantas multas, quibus
inest purgandi facultas, ad imum truncum
medicandæ arbusculæ disseminant, vel unde-
cunque implantant, & adeò profundè illarum
radices infodiunt, ut radicibus arbusculæ, si fie-
ri potest, adhæreant. Quæ ne resiccentur, aut
tabescant, crebra rigatione hinc inde occurrunt,
sataguntque ut plantarum facultates purgatri-
ces, ea perfusione, quasi vehiculo, alimentis ar-
busculæ radicatim permisceantur, & sursum, vi
arboris attractrice & vegetatrice, ad fructuum
formationem & alimoniam, sensim attollantur.
Sed ita sunt coaptandæ & disponendæ huiusce-
modi plantæ, ut arboris truncum amplectantur
& coronent. Nam ex illarum ἀπορροια & ef-
fluio, aliquid in amplexatam, insensibili tran-
spiratione, abibit, & conformabitur. Quòd sa-
nè absurdum esse non debet: cùm videamus ar-
boreos fructus plerosque, certarum plantarum
sapores ac odores præ se ferre, quas vel substra-
tas habet, vel haud ita procul disjitas. Sic quæ-
dam mala, brassicam olent, quòd illā vicinam

Pulchra &
notatu di-
gna.

videant, eiusque diurna & nocturna defluvia exhauriant, ac modo imperceptibili, duce aëre, imbibant. Sic præterea, vina quædam plus aliis diuretica esse experimur: licet in eodem tractu & fundo omnia nata & educata sciam⁹. Quod vicinis & sociis herbis ac radicibus, quibus facultas inest ciendi vrinas, ascribendum duco.

Non defuerunt qui fissuras, aut terebrationes medicandæ arbusculæ, iuxta primam methodum artificiosè factas, compositis medicamentis purgantibus oppleuerint, & reliqua præscripto ordine perfecerint. Quod quàm foeliciter, nōdum ex illis audire licuit.

Octauus
modus me-
dicandarū
arborum.

Novi quosdam qui ramum ex selecta arbore ita raptum & vulsum ut aliquid de ea secum auferret, ac generosis fructibus scateret, figulino vase, aut ligneo cado, stercoreata terra saturo, altissimè infodiebant, & plantulas purgantes hinc inde comites illi dabant, æstūque vigente, aqua macerationis plantarum similium, diluculo, & vespere, larga manu irrigabant. Id tandiu, positis intervallis, repetentes, donec fructus adultos, & ad vnguem maturos indicarent. Modum hunc verissimū esse, mihi certam fecit fidem, experimentis variis confirmatam, ut dicebat quidā ex eorum monachorum ordine quos Celestinos vocant. Nec aliis plantis

Nonus
modus me-
dicandarū
arborum.

se usum afferebat, quàm iis quæ in publicis cœnobij hortis occurrebant: nimirum Lathyride, Ricino, Tithymalis, Viola martia, malua, & similibus. Quarum auspiciis, quo dictum est modo, cerasia, pruna & persica præcocia, sibi comparavit, quæ clementer & absque tædiō, aluum subducebant, ad tres, quatuor, quinque, plures vel pauciores deiectiones, pro assumptorum quantitate & numero. Addebat se hinc magnam gratiam & fauorem iniisse apud multos præpotentes ac diuites, quos participes fecerat fructuum suorum medicamentosorum. Quod hinc scriptum volui & adnotatum.

Decimus
modus me
dicandarum
arborum.

Postremum erit, quod una & altera observatione mihi hætenus feliciter, & ex animi sententia successisse deprehendi. Sunt quædam præcocia & fugacia pomorum genera, quæ figlinis, aut ligneis vasis capacibus, aluntur, crescunt, fouentur & maturescunt: dum poma dico, fructus eos cum Grammaticis intelligo, qui molli pelle vel tunica teguntur. Vbi illorum parentes arbusculas defloruisse, & foetum adhuc informem, sua forma velle informare observo, tunc liquoribus ex maceratione simplicium medicamentorum purgantium & scopo meo idoneorum, expressis, nascentes, & adhuc lactescentes arbuscularum partus, velut ex ubere, blando

blando instillatu & irrigatu foueo, idque, electis horis & tēporibus, dies aliquot facere perseuero, paucis contentus fructibus & arbusculis: sed iis generosis tamen, & ob id generosè ac sollicitè educatis. Si retorrída & sicca inualefcit tempestas, vt hinc sitire videantur, simili liquore, opportunis horis etiam refocillo, & si ob rapidum aestū siticulosa fuerit terra, ad inebriationem vsque fundo & propino. Hæc de medicandis arboribus & fructibus ad aluum subducendam, satis sint. Nunc demum nobis explicandæ veniunt aliarū medicationum formulæ, sanè quàm iucundæ & vtilēs.

Arborum medicationes aliæ, ad particulares effectus, pulchræ & animaduersione dignæ.

CAP. V.

Si ab arboribus tui horti, alia exigis medicata auxilia, quàm præcedētia (quæ aluo duntaxat lubricandæ fuerunt accommodata, & talibus humoribus vacuandis destinata, quales medicamenta ipsa mouere apta sunt) potes, pro cōcepto scopo, quidquid visum fuerit, arboribus tuis, iuxta præscriptos modos, committere, & quodammodo implantare: vt si fructus habere voles contra pestem ac venena auxiliares, loco purgantium medicamentorum, commodè ac salubriter vsurpare poteris, theriacem optimam,

Fructus
contra pe-
stē & ve-
nena.

Fructus
somniaferi.

vel mithridatium, aut radices alexipharmacas,
& alia pesti ac venenis aduersantia (de quibus
multa in nostris contra pestem Secretis) iisque
arbusculas tuas, qua dictum est methodo, im-
buere, ac saturare. Si fructus ὑπνολυγῆς καὶ ὑπνο-
φόρου, hoc est, somnum conciliantes habere sa-
tagis, plantas, radices, semina soporifera, &
alia, arbusculis tuis, non dissimili accommoda-
bis modo. Quæ qualia sint, tacere malo, quàm
publicare. Alia, penè innumera, ex hisce pro-
gymnasmatibus & præludiis nostris, facile excogi-
tare ac inuenire poterit Lector ingeniosus, &
solers colonus. Nam intelligenti, ut loquuntur,
pauca sufficiunt.

Fructibus arborum, odores & sapes
quosuis, necnon etiam colores, posse
comparari.

C A P. VI.

Fructus di-
uersorum
saporum.

QVAE hætenus de medicamentis arborum
tradidimus, eadem etiam ad odores,
sapes, colores, & alia quamplurima, methodo
simili, arboribus earumque fructibus cõparan-
da & variè concilianda, transferri aptarique
possunt, applicatione rerum idonearum pro vo-
to & arbitrio tuo selectarum, ad id quod que-
ris & optas. Hinc scilicet, absque ullo insitionis
artificio, comparantur fructus, etiam per sum-
mam maturitatem acerbi, alij acidi, nonnulli

austeri: quidam dulces, melliti, saccharati: ple-
 rique moschati, cinnamati, aut alterius saporis,
 vel odoris, tam grati, quàm ingrati: & ut
 paucis dicam, quales perito artifici formare vi-
 sum fuerit. Quod verissimum esse, non tam de
 auditu, quàm ex gustu & odoratu, non semel
 obseruaui. Imò verò (quod fidem superare mul-
 tis videbitur) mora lutea, pyra rubra, ac mala
 cerulea, tã intus, quàm in cute, & ex sua quæ-
 que arbore pendentia, non sine admiratione, ali-
 quando conspeximus, contrectauimus, aperui-
 mus, & gustauimus, sed nulla saporis gratia,
 quæ coloribus illis adulterata fuerat, & hinc
 tota in pabulum oculorũ migrauerat. Miretur Hortensis
 hoc qui nescit, nec intelligit multa in vasto mũ- Pl. ilolo-
 di huius theatro, miraculi loco esse, quæ ingenio- phia.
 sa hominum diligentia, artificioso medicamen-
 torũ adulterio, & solerti insitione, comite ubi-
 que industria & labore, in lucem protulit. Vn-
 de rectè admodum scripsisse mihi videtur poëta,
 " Ipsa nouas arteis, varia experientia rerum,
 " Et labor ostendit miseris, vsusque magister.
 Causa cùm plerosque lateat, illis tantum mira-
 culi & stuporis ingerit, ut præter naturam talia
 fieri credant. Res ea, cùm in his quæ hætenus
 docuimus, & deinceps ostensuri sumus, tũ ma-
 ximè in variis arborum insitionibus locum ha-

Mira arti-
ficiarum in-
genia.

bet. Quarum ope & ingenioso artificio, medicamentorumque & colorum mangonio solerti, fieri plerumque videmus, ut una arbor prodigioso spectaculo, diversi generis, varij gustus, insueti odoris, necnon coloris & facultatis, poma, nuces, vuas, flores, & alia ab vno eodemque trunco emergentia, proferat. Quod exemplis duobus, penè prodigiosis, demonstrare ac illustrare pergam, licet id extra institutum esse videatur. Arbores duæ summè admirabiles & prodigiosæ.

CAP. VII.

INCOMPARABILIS ille rerum naturæ interpretres Plinius, de insigni quadam arbore, huc in modum scribit. Vidimus insitam arborem iuxta Tiburtes Tullias, omni genere pomorum onustam: alio ramo nucibus, alio baccis, aliunde vite, ficis, pyris, punicis, malorumque generibus: sed huic brevis vita fuit. Hactenus ille. Multo mihi prodigiosior videtur arborea, quam Ioannes Baptista Porta, Neapolitanus, describit in Opusculo suæ Magiæ naturalis. Vnam, inquit, nouimus arborem, delicias horti nuncupatam, crassitudinis & proceritatis non ingratae.

Pliniana
arbor ad-
mirabilis.

Arbor pro-
digiosa &
inaudita.

Hæc trifurcata erat, & in vno ramo vuas duas vinaceis vacuas, discolores & medicatas gerebat: quarum altera soporem, altera alui deiectionem moliebatur. Secundus ramus persicum

proferebat, ex persico & nucipersico, intervallis pluribus, æquè distinctum, & absque vlllo osse. Quòd si cui inerat, nucleum dulcem vti amygdala dabat: & nunc hominum, nunc animalium faciem mentiebatur, diuersáque lineamenta demonstrabat. Tertius, cerasia ex ossa, acida ac dulcia emittebat: adhæc mala aurea. Cortex floribus, rosisque consitus erat. Porro fructus ipsi debitam magnitudinem superabant, ac aliis dulciores & odoratiores erant. Verno tempore efflorescebat arbor, & vltra legitimum tempus suos foetus educabat: nam diu in arbore morabatur, & continuæ fœcunditatis orbem toto anno ministrabant. Per quosdam enim gradus poma sibi succedebant, & fœtura interpolabatur. Brachia ponderibus inclinata procumbebant. Denique sic cœlum & solum arbori fauebāt, vt pulchriorem in tota vita non conspexerim. Hactenus ille: ex quo tam raræ arboris historiam huc proferre voluimus, vt intelligeres,

Quantum ars ipsa valet, quantumque industria pollet,

Et quantum insitio fœcundos adiuuat hortos:

Nec non ingenium medicandi hortensia solers.

Queis fauet impatiens otij labor, optimus artis

Cuiuscunque dator.

Sed dimissa insitione, de qua nuper Opusculum

Arbor vere aurea, si talis vspiciatur.

Arborum insitio &

medicatio
multa pos-
sunt.

edidimus, institutum repeto, & ex diuerticulo in viam redeo: à qua, occasione data, ideo non-nihil deflectere volumus, vt ostenderemus artem medicandarum arborum cum insitione copulatam, planè admiranda moliri, si in peritum & industrium cadant artificem.

De collectione, repositione, custodia & vsu fructuū medicamentoſorū: & aliis in hac arte obseruādis. CAP. VIII.

Admoni-
tio valde
notanda.

Tēpus ac
mod⁹ col-
lectionis
& reposi-
tionis fru-
ctuum.

ANTE quàm propositam narratiunculā aggre-
diar, admonebo artis huius studiosos,
quòd medicationes hætenus præscriptæ, mino-
rem materiam, rigationem & sedulitatem exi-
gent in arbusculis fructum paruulum ac molli-
culum ferentibus, quàm iis quæ illum maiuscu-
lum ac duriusculum producant. Primi generis
sunt, cerasus, morus, prunus, persica, anteper-
sica, præcocia, olea, & vitis. Secundi, malus,
pyrus, cotonea, amygdalus, iuglans & similes
arbores: quarum, vt etiam superiorum, fructus
non exactè suas vires medicamentoſas exerent,
ante maturitatem. Per quam die sereno, circa
nouilunium, alto Sole, blāda manu, absque vl-
la iniuria, læsione & vitio, decerpentur, ac loco
idoneo, vt in nostris hortorum Secretis docui-
mus, in vsum accuratè reponentur. Si custodiæ
non erit locus, vel, quòd anni tempestas austra-

lis & pluuiosa, illam negauerit, adeò vt hinc à labe & corruptione periclitari videantur: vel quòd per imbres & nebulas collecti fuerint, & ob id excrementitio humore, putredinum parente, abundauerint, sublata omni mora, calente clibano (si per Solem minùs licet) aut craticulis ad focum suspensis, integri, si parui & tenelli erunt: vel bipartitò, aut quadripartitò diuisi, & ab interaneis repurgati, necnon depellati, si magni & duriusculi aderunt, paulatim resiccabuntur, ac blandè torrebuntur. His ita comparatis, illico mūdīs vasculis, vel calathis, papyro internè vestitis, reponentur, & accuratè seruabuntur. Si recepto more condire voles, præclarè ac salubriter ages. Vfus omnium erit, vel ex propria cuiusque carne & pulpa, vel ex eiusdē iussulo & decocto, sicuti de prunis fieri solet per Ichthyophagiam, & esuriales ferias. Tempus vtendi esto matutinum, vel paulò ante pastum, & nonnunquam sub somnum. Quantitas limitabitur pro cuiusque corporis modulo, ætate, sexu, temperamento, mouendi facilitate, vel difficultate, & medicamentorum, quibus imbuti erunt fructus, natura forti, cita, aut debili. In quam rem, & superiora omnia, tibi prudenter & opportunè consulēdi erūt docti atque cordati medici. Quod vt facias, te etiam atque etiam

Quomodo
siccare
debeant.

Vfus, tēp^r,
& quantitas.

Pulchra &
valde no-
tanda.

Præcepta
pro trans-
plantatio-
ne.

Dignum
animad-
versione.

*amicè moneo, & valde cohortor. Penè omitte-
bam quòd fructuum medicatorum tam ossa,
quàm semina, diligenter colligi debent, ac dili-
gentius custodiri, ob vim medicamentosam quæ
summa illis inest, non dicam aduersus lumbrico-
s & interanea ventris animalia, liberandâs-
que obstructiones, sed & alia quamplurima,
quæ hîc reticere malo, quàm paucis explicare.
Habent de multis id solenne, quòd si implan-
tentur, aut serantur, quæ hinc emergent arbo-
res, medicamentosum nescio quid præ se ferent.
Quæ res in surculis aut ramulis, ex simili arbore
detractis, & alibi inserendis, vel pangendis, lo-
cum vix habet: nec etiam in medicata arbuscu-
la, si trāsp̄plantetur ac transferatur. Nam ma-
terni lactis & soli genitalis negata facultate,
sublatôque nutricis assueto vberē, succos oblita
piores, meritò à proprio temperamento, còque
medicato, in aliud degenerat. Quare si voles vt
ad ingenium redeat, & vires medicamentosas,
penè exhaustas, resumat, medicatâ alimoniâ,
quibus dictum est modis, refocillâda, ac instau-
randa tibi erit. Nec id solum in trans̄plantatis
& translatis locum habet, sed etiam in iis quæ
nec cœlū nec solum mutant. Vnde par erit quo-
tannis, aut saltem quoque biennio, recens me-
dicamentum, siue simplex, siue compositum, aut*

antidotum, vel quiduis aliud, denuò illi accommodare. Quemadmodum ex Græcis Florentini Georgicis, transcripsit Neopolitanus Palladius, & plerique illo antiquiores.

Quomodo fructus tam æstiuui, quàm autumnales, iam decerpti & domi asseruati, medicamentosi euadant, ac purgantes.

CAP. IX.

HIC nequaquam silentio dissimulabo, quod à multis summè desideratū, & cupidè expetitur scio. Quid illud? inquires. Quomodo citò, facile, & quouis tempore, quilibet repositos fructus, siue verni fuerint illi, siue æstiuui, seu autumnales, ita possit componere, vt clementer & absque nausea illi aluum moueant, ac subducant, corpusque à superfluis excrementis libere ac blandè vacuent. Si patientem aurem mihi præbueris, paucis docebo. Omnium primū à fido quopiam Pharmacopola, tibi comparabis purgantia aliquot medicamenta simplicia, ex eorum classe quæ violèta non sunt. Qualia sunt Rhabarbarū, agaricus, sena, polypodium, epithymus, semen cartami, myrobalani, thamar Indi, & similia. Vbi vnum, aut duo ex his, scopu tuo idoneis, probè selegeris, ex medici consilio legitimas ac sanas portiunculas, negliger, si opus erit, fractas & cōtusas, horis aliquot, cum

Res multis multorum votis expetita.

Quomodo reficcati fructus medicamentosi fiant.

Primus
modus.

tantillo cinnamomi & seminū anisi, infundes
ac macerabis, in sero lactis, oxymelite, ptissana,
vino, aqua, aut blando quopiam liquore. Dein-
de quidquid id erit, percolabis, clementer expri-
mes, & calidis cineribus, apto vasculo, super-
pones: ibique horis aliquot insuccabis, ut loqui-
tur Columella, & infundes, cōpūcta locis mul-
tis pruna, persica, pyra, ficus, cotonea, vel cera-
sia: ex his quæ tibi ad manum erunt, nihil re-
fert, modò Solem passa fuerint, vel clibano, ut
diximus, resiccata, aut aliter asservata. Vbi li-
quore illo medicato, & iusculo, affatim imbuta
erunt, & pro rugosis obesula apparebunt, val-
deque turgebunt, tum demū medicamentosa ha-
bebis alimēta, quæ absque vlla molestia, corpus,
soluta aluo, blandè repurgabunt. Rem eandem
foeliciter etiam experieris in viuis, quas Dama-
scenas nuncupant: magno ventriculi ac hepatis
commodo, sed detractis prius, & ex illorū pul-
pa seclusis vinaceis. Si insuauem quēpiam gu-
stum, ut amarorem, acerbicatem, vel quid simi-
le, præ se tulerint medicata isthæc alimenta, sac-
charo optimo, aut puluere glycyrrhizæ, vel
cinnamomi, facile tegi, ac dissimulari poterit:
adhæc aniso cōdito, vel coriandro præparato, aut
huiuscemodi artificio quopiam aromatico &
dulci, pro cuiusque gustu ac palato. Quidpiam

Correctio
prauī gu-
stus & sa-
poris.

igitur ex iis prægustabitur, aut commanducabitur, vel sumpto medicamento cibo, statim assumetur, ut contraria contrariis emendetur.

Est modus quidam expeditus & salutaris, ita coquendorum in foculo cydoniorum, & aliorum quorumcunque fructuum maiorum, ut corpus à grauantibus excrementis absque ullo tædio, torminibus ac fastidio clementer purgēt: imò verò purgando, viscera roborent. Hunc qui nosse volet, velle autem debent omnes, percurrat aream tertiam, cāpi septimi, nostri Horti medici: qui dum hæc præcipitabamus, incudē sustinebat: illic inueniet quod placuisse queat. Sed de his fusiùs agemus, paulò pòst in vino Cydonite, & Hydromelo.

Secundus
modus.

Ioannes Langius, illustrissimorum Comitum Palatinorū medicus doctiss. in quadam epistola ad Cyrlerum, de medicatis fructibus ad hunc scribit modum. Accipe aquam aut vinum, in qua vel scammonia, vel tithymali cortices, aut turbith vel id genus fortium medicamentorum, maceratum sit: in quo pruna sicca ex Damasco, carica, vna passæ, donec turgescant, maduerint. Hæc absque ullis torminibus aluum leniter expurgant. Nam hæc sola virtute medicamentorum, exuta eorum substantia, imbuuntur. Hæc tenus ille ad verbum.

Tertius
modus.

Quartus
modus.

Cognoui qui antea commemoratos nobis fructus, tam siccos quàm recentes, nullo modo macerabant, sed cum purgantibus medicamentis simplicibus, à medico præscriptis, modicè fractis, & si opus erat, contusis, ac raro linteolo deligatis, prunorum modo, in vino aqua temperato, coquebant: & addito saccharo multo, delicatis palatis edendos proponebant: vel solum eorum iusculum propinabant, & decoctorum carnem per setaceum excernebant, ac mundo vasculo repositam, in usum idoneum, & tempus opportunum accuratè custodiebant: de eodem boue, ut dici solet, lora trahentes, unàque & eadem fidelia, duos parietes dealbantes.

Quintus
modus.

Novi alios, qui fructus iam dictos, post longam infusionem & macerationem, quo nuper dictum est modo, blandè siccabant in clibano, & iterum, ac tertio macerabant, & demum resiccatos, pyxide includebant, & quoties opus erat, excluderant, ac in usum opportunè converterebant, resperso multo saccharo. Si vigeat æstus, in aqua rosacea infundebant: si hyems erat, suffocatis in vino paucò aliquot eorū buccellis, & copiosa sacchari aspergine dealbatis, liberè utebantur, & quidquid erat vini superbibebāt. Ut quod sentio verè dicā, non sunt hæc temerè tentanda absque docti medici consilio,

Doct⁹ me-
dicus in

perinde atque alia pleraque hætenus scripta. *hac philo-
sophia
vbiq; con-
sulendus.*
Nam ille selecta medicamenta, ægrotantium af-
fectibus, aut sanorum præcautionibus idonea
seliget, & ad legitimum pondus, ac dosim, vt
loquuntur, omnia deducet, iudiciòque & arte
singula temperabit. Imò verò, suo pte Marte,
iuxta hanc methodum, noua comminiscetur ar-
tificia: quando non omnia possumus omnes.

Quomodo lactuca, borrago, portulaca,
& olera alia, adhæc cucumeres, cucur-
bitæ, pepones, raphanus, cinara, fraga,
grossulæ, frambœsiæ, & similes fructus
ac plantæ, deiectorias facultates in-
duent, & sapores ac odores varios ad-
mittent.

CAP. X.

SI ad medicationes olerum, radicū, & plan-
tarum multarum, prudenter referas quæ de
medicandis arboribus nuper scripsimus, nouo
hîc sermone opus non erit. Verū enim uerò, quia
plantæ, radicibus tam solidis non innituntur,
quàm arbores, nec tam robusto donantur corpo-
re, nascūtūrque plurimū seminibus, vel implā-
tationibus, ac breuioris sunt vitæ, idcirco de il-
lis peculiarem hîc instituemus narrationem. Si Hortensiu
itaque semina plātarum titulo capitis huius pro-
positarum, aut aliarum, maduerint triduo, vel penè om-
nium me-
dicatio-
nes.
quatruiduo (antè quàm serantur) in aqua & iu-

Primus
modus.

*sculo macerationis purgantium medicamento-
rum simplicium, initio Opusculi descriptorum,
& siccata, vicibus iteratis remaduerint, ac
ita optimæ terræ, pingui fimo saturatæ, & dili-
genter subactæ, commissæ fuerint, quidquid in-
de nascetur, medicamentorum seminum facultates
ac ingenium referet.*

Secundus
modus.

*Idem etiam continget, si medicamentosa illâ
macerationis aquâ, ceu cremore quopiam, pul-
lulantes plantulas, & adhuc lactescentes, ali-
quot diebus, velut ex nutricis ubere, stillando,
& non mergendo, aut inebriando, opportunis
horis foueris ac rigaueris: hinc alui solutionem,
& corporis purgationem illis concilians ac infor-
mans. Si grauis æstus inferiora torrebit, eodem
liquoris haustu illas sitientes, affatim, & iden-
tidem, sed tempestinè, (vt in arboribus dictum
est) refocillabis, ac recreabis.*

Tertius
modus.

*Sunt qui per adolescentiam plantarum, radi-
ces blandè circunfodiunt ad capillares vsque fi-
bras, sed absque vlla iniuriosa tractatione &
eradicatione. Tum demum, purgantia medica-
menta simplicia, proposito scopo selecta, & non-
nihil contusa, si opus erit, earum nudatis radici-
bus sparsim iniiciunt, ac disseminant (vt in ar-
boribus diximus) regeſtâq; terra adobruunt, con-
sepeliunt, ac ita educari, crescere, & medicamen-*

tari permittunt. Quod à multis factum, & salubriter expertum, verè scio.

Nonnullis abundè satis est dū plantulas transferunt, in scrobiculum illis defossum mittere ac substernere selecta medicamenta: deinde sterco-
rata terra, & si opus erit, irrigata, omnia con-
dere, ac ita cœlo & solo cōmittere. Modos alios
requires ex medicationibus arbuscularum. Et
quæ de liquoribus, & succis medicatis ad plan-
tarum radices infundendis, tradita sunt, eadem
etiam ad sapes, & odores (de coloribus dubi-
to) prudēter, ac solerter coaptare poteris, exem-
plo Aristoxeni Cirenei: qui, vt scribit Plinius,
à patria desciscens philosophia, & helluonum
voluptati ac collegio subscribens, natus in hortis
lactucas, vesp̄i vino mulso rigabat, eoque po-
tu, donec satis ebibissent, satiabat: vt postridie,
cū illuxisset, placentas virides à terra missas, se
habere vendicaret: dignū helluone inuentū, ne-
dum philosopho. Sed in medicamento plantarum
māgonio & artificio, versatum satis. Ma-
num itaque ex hac tabula mouebo, vbi admo-
nuero, quòd plāte, quibus à natura inest purga-
trix quādā lubricitas, vt violis martius & mal-
uis: aut lactea substantia & dulcedo, nonnihil
etiam deiectoria, vt lactucis: vel nitrosus succus
& ob id medicamentosus ac deiectorius, vt bras-

Quartus
modus.

Historia
pulcherri-
ma.

Pulchra &
notatu di-
gna.

sicæ & betæ: aut lenta & excrementitia humiditas, vt portulacæ: hæ, inquā, & similes plātæ, cura admodum sollicita, ac medicamentis multis non indigent, vt medicatæ, ac purgātes euadant, cū id naturā ferè comparatum habeant: & ob id modica alteratione opus habent, vt medicamentosæ fiant. De peponibus, cucumeribus, & huius notæ aliis, non dissimilis erit ratio, ob succum excrementitium, aquosum, & nonnihil lubricum, quo largè scatent.

Vites modis variis medicari, vt earum vuæ, & vina ex illis expressa, aluum clementer moueant, & corpus absque molestia purgent. CAP. XI.

Prisca medicandarū vitiū philosophia.

Primus modus.

Secundus modus.

SECUNDVM vindemiam, vbi vites ablaqueantur, quantum putabis ei rei satis esse vini, tot vites ablaqueato, & signato: earum radices circum sarrito & purgato. Postea, veratri radices in pila contundito, & circum vitem ponito: his stercus vetus, & veterem cinerem, ac duas partes terræ circum addito. Radicibus vitis terram in superiniicito. Hoc vinum seorsum legito. Si voles seruare in vetustatem ad aluum mouendam, seruato: nec cōmisceas cum cætero vino. De eo cyathum sumito, & misceto aqua, ac bibito ante cœnā: sine periculo aluū mouebit. Aliter, cū vites ablaqueantur, signato quam-

quampiam, ne admisceas cætero cum vino. Treis fasciculos veratri atrii circumponito circum radices, & terram insuper iniicito. Per vindemiam de his vitibus, quod delegeris, seorsum seruato, cyathum in cæteram potionem indito, aluum mouebit, & postridie perpurgabit, sine periculo. Hæc ad verbum M. Cato in suis de re rustica Commentariis.

Africanorum & Græcorum geponici ac medici, Catone multò antiquiores, hac incedunt via. Sarmentum quod pangendū est, ima parte finditur, trium vel quatuor digitorum mensurā, sublataque medulla, simplex medicamentum purgans & deiectorium, ex his quæ primo capite recensuimus, contusum, medullæ loco inseritur & truditur. Vel eiusdē pulpa (quod præstantius est) immittitur. Postea, vulnus aut fissura, ne quid effluat, idoneo emplastro tegitur, deligatur, & ita sarmentum terræ mandatur. Hæc Florentinus, ex Græcorum geponicis & medicis vnus, & post eum Palladius.

Tertius
modus.

Recentiores satagunt, vt vitis ablaqueatæ radices emundentur, deinde purgantis alicuius medicamenti succum, vel ex eius maceratione liquorem, suffusione & rigatione, per dies aliquot repetita, affatim combibāt & exhauriāt, maximè, dum noua de grauido palmite gemma

Quartus
modus.

D

tumet. Post hæc, terram radicibus regerunt, & ante omnia diligēter cauent, ne tum gelidus & niuosus spiret. Aquilo, radices percellens, ac vires medicamentorum obtundens. Qui ex vite hunc in modum medicata nascentur racemi, deiectorij erunt ac purgātes, perinde atque vinum ex illis expressum, sicuti scripsit & adnotauit idem Florentinus, libro primo & secundo suorum Georgicōn. Modus hic, sanè quā facilis est, ac valde expeditus, vt testatur Arnaldus à Villanoua, ob causas in Arboribus expositas. Hinc nimirum visa, repertaque est vna, vt ille idem scribit, cuius acinus quilibet aluum clementer mouebat, habebatūque res ea pro summo miraculo. Qui vuis & vinis albis oblectantur, vitem ac vina huiusmodi medicata sibi comparabunt: qui rubris, contrā: quando, velle suum cuique est, nec gustu viuatur vno.

Quintus
modus.

Est alius modus comparandorum huiusmodi racemorum medicamentosorum, cum suis vinis, quem nec tacebo, nec tibi dissimulabo. Sarmenta ex generosis vitibus, opportuno tempore seliguntur, & in vas aliquod semiplenum purgantibus potionibus, vel medicamentosis liquoribus, maceratione longa paratis, deponuntur: deinde illis terra optima remiscetur, ac tantisper resoluitur, irrigatur & curatur, donec sar-

mentorū & flagellorum oculi nitantur exire. Id ubi fit, more vitium catararum, idoneo loco circumspectè panguntur, summâque habetur cura, ne iniuriosa tractatione, vel tātillum offendantur, & hinc ex suo membro excutiantur. Notandum
& cauendum.

Qui inde nascentur racemi, pro facultate succi ac liquoris, quo imbutus fuerit palmes, medicati euadent, perinde atque vinum quod ex illis exprimetur.

Aliæ vitium, vuarum & vinorum medicationes pulchræ & ingeniosæ, ad somnum, contra venena, & alia.

CAPUT XII.

ET SI quæ hîc scripturi sumus, facilè & explicatè colligi possint ex præcedentibus, dicam nihilominus de illis aliter, paucis ac breuiter, quantum feret materia. Si loco purgantium medicamentorum, aut diluti eorum, quidpiam ex iis antidotis, quæ somnum conciliant, in liquorem solutum, ad vitis radices ablaqueatas, tēpestina rigatione effuderis, vel hypnoticas & somniferas plantas iisdem radicibus consepeline-
ris: aut circum plātaueris, ut vult Dioscorides, in vino phthorio, tam vix quàm calcata & pressa ex iis vina, somnum facilè conciliabunt. Idem fiet, si truncum vitis selectum, ut de arboribus diximus, Gallica terebra, aut alia, per-

Vitis somnifica
qualiter
fiat.

Vitis an-
tidotaria,
& venenis
pugnans.

Mira vitis
theriacalis
efficacia.

foraueris, & eadem antidota foramini intruse-
ris, ac vulnus, quo ostensum est modo, tractaue-
ris, obduxeris, ligaueris, ac Deo & naturæ per-
miseris. Si theriacem, mithridatium, aut alexi-
pharmacum aliud, eò intruseris (sublata si opus
erit medulla) vel diluto eorundem, aut liquore
macerationis plantarum venenis pugnantium,
radices imbueris, & frequenti rigatione, eaque
tempestiua, perfuderis, vitem habebis antidota-
riam, alexipharmacam, pestifugam, & vene-
norum, ac venenatorum omnium hostem capi-
talem: adeò vt nullum animal veneno imbutum,
sub ea stabulari audeat, ac stationem aliquam ca-
pere. Quin etiam aiunt acetum ex vino vitis hu-
ius antidotariæ & theriacalis factum, necnon
vvas passas, miram habere facultatem contra
toxica, pestilentem morbum, venenatorum mor-
sus, ac alia pleraque. Quibus deficientibus, pro-
derunt etiam, vitis eiusdem folia trita, & ve-
nenatorum ictibus apposita. Quòd si rursus ho-
rum omnium penuria fuerit, cinis sarmentorum
hominem à periculo vindicabit. Nam & citra
theriacem vitis cuiuscunque sarmentum, aduer-
sus morsum canis mirè auxiliatur, modò nò fue-
rit rabidus. Autores sunt (ne quis putet meum
esse commentum) Pœnorum & Græcorum geo-
ponici ac medici, & inter hos Florentinus, qui

*hæc posteritatem latere noluit. Caterùm hîc nec omiſſum velim, nec intactum, quòd ſi de huiusmodi vitibus medicatis ſarmentum transferendum, aut inferendum accipiatur, vires ſui medicamenti, vt de arboribus diximus, vix reſi-
piet, nec materni medicaminis guſtum retinebit. Quare oportebit noua infuſione, eaque aſſi-
dua, vim ſenſcentis ſucci iterare, vt ſcribit Neapolitanus Palladius, rerum agri doctor non aſpernandus.*

Præceptū
notandū.


*Hæc de medicandis arboribus, fructibus, ole-
ribus, radicibus, plantis multis, necnon vitibus,
vuis ac vinis, ſatis erunt. Quæ ſi placuiſſe, &
grata fuiſſe intellexero, multò pulchriora nec-
non occultiora, quæ apud nos latent, ex vmbra
in lucem communi iuuandi ſtudio proferemus.*

F I N I S.

D ij

ANT. MIZALDI

MONLVCIANI ARTIFI- CIA PERPVLCHRA COMPONEN- dorum Vinorum, quæ diuersis mor- bis blādè ac iucundè succurrant: cum prisco ac recenti quorundam catalo- go, & auxiliis.



ERTVM est priscos medicos sum-
mo studio ac diligentia perquisi-
uisse, quonam modo diuersis af-
fectibus corporis & animi, cū
curandis, tum excitandis, vina

artificiosè concinnarent, & medica factitarēt.
Qualia sunt Theophrasti apud Heracleā Ar-
cadia, quæ viros dementabant. Athenæi apud
Thasios, quæ somnum accersebant, & fuga-
bant. Plinij Arcadica, quæ fœcunditatem fœ-
minis importabant, & viris rabiem. Adhæc
Trœzenia, quæ qui biberant, negabantur ge-
nerare: & Lycia quæ qui gustauerant, his so-
luta alius firmabatur. Hinc, scilicet, varia
illæ, apud M. Catonem, vinorum concinnatio-
nes, ad varios affectus: necnon apud Dioscori-
dem: & ante iam dictos omneis, apud Pæno-
rum & Græcorum geponicos ac medicos, sic-

Varia an-
tiquorum
vina ad
varios af-
fectus.

uti suo loco deinceps ostendemus . Horum artificia omnibus penè morbis , citò , tutò ac iucundè , necnò (vt aliquid de meo addam) quàm minimò , auxiliantia , cùm legissent posteriores medici , hinc (fortasse) consultò moti fuerunt , vt medicamenta quædam purgantia , vino macerarent , & horis aliquot infunderent , ad conciliandam ei medicamentoſam facultatem . Quod , Dij boni , quanto applausu , & corporis totius consensu , sic hauritur ! Quas , obsecro , vi-
 reis sic in corpore clementer ac blandè non exerit ? Quam suauitatem medicamentis & rebus Vini facultates
 quibuscum miscetur , non adfert ? Quas facultates ventriculi , iecinoris , cordis & intestinorum miræ in
 non roborat , substantiæ , ac naturæ suæ familiaritate corpus . nobis amica , assueta , & , penè dixerim , congenita ? Hinc nimirum Galenus noster , Faler-
 num Mithridatio , & Theriacæ miscendum præcepit , vt multorum amarorum , quibus constant antidota illa , iniucunditatē tegat , & ventriculo qui amara auersatur , suauitatem conciliet , contentricemque eius vim , robo-
 ret . Rectè itaque ac prudenter solertes medici factitia vina excogitarunt , quæ facultates impressorum
 illis medicamentorum , celeriter ac iucundè toti corpori , essentiæ tenuitate , ac familiaritate dis-
 tribuerent , & à variis affectibus illud oppor-

tunè liberarent, absque noxa, tædio ac nausea.
 Horum compositiones multiplices, & artificia
 diuersa, tibi candidè, vt omnia, proponere ac
 paucis exponere, nec detrectabo, nec grauabor:
 vt habeas quod è multis pro arbitrio seligere &
 sequi possis.

Vinorum medicamentoſorum artificioſæ
 aliquot concinnationes, tam per
 vindemiam, quàm alio quouis tem-
 pore aggrediendæ. CAP. I.

Prim^o mo-
 dus cõpo-
 nendorum
 vinorum
 medicato-
 rum.

VINDEMIÆ tempore, mustū ex albis ra-
 cemis, iisque optimis, ac minimè vitiatiss
 expressum (si albo vino delectaris) vel ex aliis
 comparatum, seliges ac sepones: & antè quàm
 efferueat, in doliolum, cadum, lagoenam, vel
 aliud vasculum, ex munda & proba materia
 constructum, opportunè infundes. Sed ita, vt
 prius selectæ materiæ tuæ medicæ, lotæ ac
 purgatæ, in dictum vasculum descenderint: siue
 herbæ fuerint illæ, seu radices, flores, semina,
 species, aromata, fructus, grana, aut res aliæ
 quæuis medicamentoſæ, quarum facultates mu-
 stum imbibere, ac præ se ferre satagis. Quod equi-
 dem duodecuplam proportionem habere debet
 ad dictas materias plus, minùs, pro intensiore
 & remissione illarum sapore, odore & qualita-
 te. Id vbi factū erit, scutellâ vno latere apertâ,

vel illo aliquantulum sublata, vinarij tui vasis
 osculum, & supremum spiraculum, operies: Ut
 fæces sensim ab imo ad summum tendentes, li-
 berum habeant emissarium, & quod medicato
 halitu ac feruore sursum volitat, deſpumatum
 ad inferiora retrudatur. Vbi feruor reſederit, &
 deſpumatio ceſſauerit, vas omnino replebitur,
 (quod pro aliis deinceps dictum velim) & ne
 quid effluat, diligenter ſtipabitur, ac loco idoneo
 in uſum ſeponetur: qui poſt duos meſes oppor-
 tunus erit. Vides quãto artificio hîc elaboratur,
 & quaſi à natura conficitur, & ut ita loquar,
 incorporatur, quod iniectum & comprehenſum
 eſt. Nam per naturalem muſti calorem, vali-
 dâmq; ebullitionem, interna rerum infuſarû,
 necnon confuſarum fit agitatio, velitatio &
 impreſſio. Quâ vinum, multò ſuperius, viribus
 propriis eas ſpoliare, ſibi que proprias facere, im-
 bibere, & ut theologicè loquar, tranſſubſtan-
 tiare, viis, modis que omnibus molitur, ac tan-
 dem aſſequitur. Ex quo medicamentoſum eua-
 dit, & hinc vi admodum penetrabili, artifice
 industria, inſitas, conceptas que rerum immiſſa-
 rum, ſibi que creditarum facultates, ad omnia
 corporis membra, in nictu oculi, incundè per-
 fert ac diſtribuit, abſque vlllo naturæ grauami-
 ne, tadio, nauſea, aut faſtidio: ſicuti probatû,

Pulcherri-
 ma narra-
 tio, pro ſe-
 quentibus
 valde no-
 tanda.

Arguta
 philoſo-
 phia & nō
 vulgaris.

Refutatio
superioris
artificij.

expertum, ac summè observatum habemus, sci-
mus, ac vidimus. Hoc primum est concinnan-
dorum vinorum artificium paratu admodū fa-
cile, sed mihi vtcunque suspectum. Nam peri-
culum est, ne musto immersæ, aut natantes ma-
teriæ, ex mora, loci natura, difflatione præpe-
dita, & aliis, vitium trahant, ac vinum ita la-
befactent, ut atate ferre non possit, sed in vap-
pam illico abeat, aut ante tempus acescat. Qua-
re præstaret, feruore vini sedato, & despuma-
tione facta, illud elutriare, & in alterum vas
transfundere: inclusasque materias excludere,
& procul amandare. Nisi malles aliud mustū il-
lis superfundere, & hinc comparatum vinum,
quod priore multò erit imbecillius, pauperibus
ægotantibus elargiendum custodire.

Secundus
modus.

Est alter modus quamplurimis vsitatus ac
familiaris, cuius talem habeto formulam. Me-
dicæ materiæ, pro concepto cuique scopo electæ,
in optimi musti iusta quantitate (comparato ad
id vase idoneo) tantisper coquuntur, & tempe-
rato igni, ex semiustis carbonibus accenso, tan-
diu leniter bulliunt, spuma ad vnguem exclusa,
donec pars tertia, plus, minus, absumpta fuerit:
aut mustum ipsum, rerum immissarum saporem
ac odorem exactè imbiberit. Id ubi factum est,
noctem integram ad opertum vas, cum suo vi-

no & materiis quiescit, sequente luce, per vimineum colatorium omnia transmittuntur, ac vinum ita percolatum alteri musto (sed minoris quantitatis) vase ad id accommodo, diligenter remiscetur, & transvasatur: aptato ad summum eius spiraculum & emissarium operculo, qua nuper scriptum est formula: ubi perfecte deferbuit, & defecatum est, rite impletum, operculatum & clausum, loco idoneo, in usum custoditur, ac seponitur. Sed rursus modus iste (quanquam non ignobilis) sua non vacat suspitione, ob rerum immixtarum ebullitionem plus æquò (fortasse) maiorem vel minorem, intensiorem aut remissiorem, nulla graduum basi in his præscripta & observata. Nam sunt multa quæ longam coctionem sustinent, alia verò brevem: cuius si non habeatur perspecta ratio, vires decoctorum resolvuntur, & in fumos illico abeunt. Quare satius esset, ac multò consultius, medicas materias tandiu in musto macerare, donec illarum naturam ac facultates, tam gustatu, quàm odoratu, induisse ac ebibisse deprehendatur. Quod ubi constabit, lenta ebullitione, eaque levi, negotium, quo dictum est modo, facile exequetur & absolvetur.

Infirmatio
superioris
modi.

Cōsiliū
notandū.

Aliæ eorundem vinorū artificiosæ compositiones, magis tritæ ac vulgares.

Primus
modus.

SVNT alia medicandorum vinorum metho-
di, quas paucis tibi expediam. Medicæ ma-
teriæ recentes, aut, si id minùs licet, semisiccæ,
& negligenter contusæ, lineo, aut cānabino sac-
culo admodum raro imponuntur, & ad præscri-
ptas formulas in optimo musto præadent atque
innatant, additis lapillis, si leuiiores erunt, vt in
vino hyssopite docet Dioscorides. Vbi satis ema-
duerint & maceratæ fuerint (quod ex sapore &
odore musti illis imbuti percipitur) tum demum
blandè, & quantùm licet, expeditè coquuntur,
despumantur, & excluso sacculo, factâque il-
lius forti expressione, vinum ita medicatum, al-
teri (sed minoris quantitatis) miscetur, & non-
nihil mouendo, agitur. Id vbi exactè in suo
doliolo deferbuit, diligenter repletum & oper-
culatum, diligentius custoditur.

Secundus
modus.

Alij in generosum vinũ (nihil refert nouum
fuerit, necne, adhæc album an rubrum) sele-
ctas, pro arbitrio, medicas materias, lotas ac re-
purgatas immittũt: & horis aliquot, vt dictum
est, ibidem macerant, coquunt, despumant, per-
colant: & absque vlla expressione, vinum in
vas mundum deponunt, replent, optimè clau-
dunt, & vsui reseruant. Hæc via trita est ac
vulgaris, quam etiam nouit media de plebe po-

pellus. Probarem sanè materias sacculo aut lin-
teo ubique includi, ut commodè, & absque vi-
ni iactura, excludi ac retrahi possint. Quod
Dioscorides ubique facit.

Qui solertiores sunt, & ingenio perspicaci Tertius
modus.
rerum secreta explorant, medicas easdem mate-
rias, quo dictum est modo, apparatus, cum duo-
decupla quātitate racemorum alborum, aut ni-
grorum, remiscunt, confundunt, & vindemia
more, calcant, ac una tandiu coqui & effere-
vescere permittūt, donec clarum & defæcatum
vinum, ex his miscellaneis secerni possit. Id ubi
animadvertunt, cæterorū vinorum modo trans-
vasant, & ubi iterum deferbuit replēt, & cu-
stodiunt. Sed de hoc in cōpositione vini Guaia-
ci. Quod ad reliquias attinet, vinum illis desu-
per iniiciunt, refervescere sinunt, exhauriunt,
ut vina alia curant, & in usum egrotātis fa-
milie seponunt. Nam tantū distat inter hoc
postremum, & præcedens, quantum distant
(quod dicunt) æra lupinis. Hic modus mirum
in modum mihi arridet, ob legitimā rerum fer-
mentationem, permistionem, sequestrationem,
insinuationem, & alia, quæ sciens omitto, &
volens prætereo, ne longa narratio tediū pariat.

Non desunt qui vina ista inualecente æstu, Quartus
modus.
(dum insana Canicula messes concoquit, & ar-

denteis contristat Sirius agros) vitreis phialis,
ad Solis viuificum ignem, conficiant: artificio
non damnando, & conatu nequaquam inutili,
ob causas nobis alibi expressas.

Quædam obseruanda, cum in præceden-
tibus, tum sequentibus. CAP. III.

Primum
in hac œ-
niatria
seruandū.

HIC supersunt quædam, ex Dioscoride, &
aliis, nunc demum aperienda, quæ in octo
capita paucis digeram. Primum, vinorum fa-
ctitiorum vasa debere impleri: quia nō plenis fa-
cile in acorem transeunt vina, & promptissimè

Secūdum.

corrumpuntur: quod popolare est. Secundū, me-
dicata vina, perinde atque medicamenta, rectè
valentibus insalubria esse, nisi ad morbi alicu-
ius præcautionem sumantur, ex consilio docti

Tertium.

& prudentis medici. Tertium, febricitantibus
summo delectu & iudicio exhibenda esse, imò
verò, si Dioscoridi credimus, abdicanda: præ-
sertim quæ cum frigoris rebus, nihil habent
commune. Nam vinum ad febrem, est vt ignis

Quartum.

ad ignē. Quartum, factitia vina misturarum
vires sibi asciscere. Quare nō difficile fuerit iis
qui illarum naturas norunt, medicatorū vino-
rum vires coniectura quadā assequi: vt in vino
è Betonica tradit Dioscorides, quod nos paulò

Quintum.

post describemus. Quintum, vina ista dum in
vsum traducuntur, & è suis doliolis identidem

hauriuntur, periclitari vapescere, acescere, aut aliter vitari: nisi maturè illis prospiciatur. Quod fiet si optimum oleum salis expers superfundatur. Nam veluti tectorio quodā, ab huiusmodi labe illa defendet. Sextū, medicamentosis vinis, ut etiam aliis, summè commodare, vel incommodare vasa, in quibus reponuntur, ac ligna ex quibus compinguntur. Sic factū & expertum videmus, ut vinum in cadis, vel do-
 liolis Tamaricinis conditum & servatum, lieni ac splenicis magnoperè cōferat: & in Fraxineis repositum, pesti ac venenis constanter repugnet, & ita de multis, ne sim narrando molestus. Se-
 ptimum, vina medicata quæ cum musto fiunt, non esse vsui ante XL dies, vel menses duos ab eorum deferuefactione. Secus autem de aliis. Octauum, absque arduo labore & sumptu, vi-
 num medicatum fieri sine igne & ebullitione, si quæ visum erit in fasciculum deligaueris, & vino immeriseris, adiecto lapide pendulo, ut materia, hoc veluti pondusculo degrauata, in vinum descendant. Idem fiet, si linteolo raro, vel sacculo mūdo materias incluseris, & ut dictum est, in vinum demiseris. Quod diebus nonnullis hinc exactis gustādum erit, & paulò post regustādum: & tandiu repetendum, donec vinum, rerum infusarum saporem ac odorem in

Sextum.

Septimū.

Octauum.

Præceptū
valde ob-
servandū.

Parasceue
ad vinorū
facultates.

se transtulisse, & exactè ebibisse videbitur. Quod ubi deprehendes, tum demum materias excludes, & vinum habebis pro illarū facultatibus medicamentosum, tibi sedulò custodiendum, & ne difflatum admittat, accuratè obturandum. Superioribus addere πότερον non erit, quòd quæ insignem habent qualitatem, & vino remisceri debent, parua mole, maximam illius quantitatem exigent, ob saporis, vel odoris excellentem vehementiam, citam penetrationem, & extemporaneam insinuationem, quæ gustui & olfactui sese statim imprimit. Hæc si nimia erit, & ob id ingrata, dulcibus, odoratis ac suauibus emēdari, vel saltem tegi & dissimulari poterit: sicuti in medicatis fructibus docuimus. Sed de artificiis vinorum medicatorum hæc satis erunt. Nunc demum restat, ut particulares aliquot eorundem formulas tibi proponamus, cum propriis singulorum auxiliis, usu, & remediis: gradatim ab antiquorum placitis & formulis, ad recentiorum scripta, modos & experimenta cundo.

Quod ut dictum, ita etiam
factum agnoscas, sic
verba in rem
confero.

VINO-

VINORVM MEDICATO-

RVM PARTICVLARES ALIQVOT
formulæ & præsidia, ex Græcis Flo-
rentini Georgicis.

Vinum factitium ex Rosis,
Anetho & Aniso.

IN Vinum mustum, vel aliud, coniicito rosa-
rum exunguium & montanarum, necnon
anisi ac mellis partem, cum modico croco: simul
ligato omnia. Id cōmodum erit stomachicis &
pleuriticis. Colligato præterea Anethi semen in
linteo, & in Vinum demittito: somnificum erit,
Vrinam mouebit, ac cibos concoquet. Rursus
Anisi semen, vino, vt dictum est, iniicito, dif-
ficultatem lotij emendabit, ac visceribus sum-
mè proderit.

Trium vi-
norum fa-
ctitiorum
vires &
naturæ.

Vinum ex Asaro, Pulegio, & Fœniculo.

Primum Vrinam elicit, hydropicos & icteri-
cos iuuat, hepaticos corroborat, ischiadicos &
tertianarios recreat, ac febrium rigores soluit.
Secundum, aduersus serpentium & reptilium
venena vtile est. Tertium, lapsam appetentiam
erigit, stomachum firmat, & Vrinam mouet.

Vinū ex baccis Lauri, Petroselino
& Conyza.

Vinum ex baccis Lauri, tussi, pectori, tor-

E

minibus, & difficultatibus urine auxiliatur, senibus prodest, aurium doloribus succurrit, serpentibus ac reptilibus aduersatur, & mulieres, quibus uterus strangulationem minatur, apprimè iuuat. Ex Petroselino, ventriculum roborat, eius flatus discutit nauseabundos, appetentiam excitat, urinam ducit, & somnum conciliat. Ex Conyza, stomacho est valde accommodum: paralyticis, stupentibus, tremulis, torminosi & nephriticis opitulatur, pestilentibusque morbis summè conducit.

Vinum ex Ruta, Fœno græco, Hyssopo, & Apio.

Primum aduersus venena, venenata medicamenta, flatus, & reptilia, auxiliare est. Secundum hepati plurimum prodest, præsertim si fœnum græcum fuerit contusum. Tertium, pectus purgat, coctionem iuuat, & aluo est utile. Quartum confert lotio reddendo, appetentiæ ac neruorum præcordiorumque doloribus. Sed apij semen debet mitti contusum, in vinum.

Vinum ex Absinthio & Thymo.

Amphora
libræ 80.

Absinthij, maximè Pontici, drachmas octo contunde, & raro linteolo illiga: demum, in amphoram cum cassia iniice, & mustum optimum superfunde, relicto spiraculo, ut feruescat: deinde, reple & serua. Vsus erit ad præcordiorum

ac hepatis dolores, necnon ventriculi cruditates, & affectus alios eiusdem. Eiicit etiam animalia quæ in intestinis connutriuntur. Vinum ex Thymo sic concinnatur. Thymum dum floret collectum & siccatum, terito: deinde in dolium chœnices quatuor indito, & vini albi metreta affusa, dolium ad dies x l oblinito. Potens est mulieri lac attrahere, & aegritudines fœmineas emendare. Hactenus Florentinus inter Græcos geponicos & medicos eximius.

Chœnix
libræ 2. &
quadrans.
Metreta,
lib. 108.
mēsurales.

MEDICATORVM VINO- RVM PARTICVLARES ALIQVOT formulae & præsidia, ex M. Catone.

Vinum factitium ad aluum mouendam.

IN vinum mustum veratri atri manipulum in amphoram coniucito: ubi satis efferbuerit, de vino manipulum eiucito: id vinum seruato ad aluum mouendam. De eo cyathum sumito, misceto aqua, & bibito ante cœnam, sine periculo aluum mouebit: vel cyathum in cæteram portionem indito, aluum mouebit, & postridie per-purgabit sine periculo.

Cyathus,
unc. 1. sc-
mis.

Vinum concinnare, si lotium difficilius transibit.

Iuniperum in pila contundito, libram indito

E ij

Congius,
libræ 10.

in duobus congiis vini veteris: in vase mundo deferuefacito. Vbi refrixerit, in lagoenam mitto: mane ieiunus cyathum sumito, proderit.

Vinum ad Ischiadicos.

De Iunipero materiam semipedem crassam minutim concidito, feruefacito cum vini veteris congio. Vbi refrixerit in lagoenam cōfundito, & postea vtitor id vini cyathum: ieiunis manè proderit.

Vinum ad tormina, & si tinea, & lumbrici molesti erunt.

Hemina,
vnc. 10.

Sumito triginta mala punica acerba, contundito, indito in vrceum, & vini nigri austeri congios treis superponito: vas oblinito: post xxx dies aperito, & vtitor: ieiunus heminā bibito.

Vinum ad dyspepsiam & stranguriam.

Quadrantal idem
quod amphora.

Malum punicum vbi florebit colligito: tres heminas in amphoram infundito: vini veteris quadrantal addito, & fœniculi radicem puram cōtusam ad heminam vnā. Oblinito amphorā, & post dies xxx aperito & vtitor. Vbi voles cibum concoquere & lotium facere, hinc bibito quātum voles sine periculo. Idem vinū tineas etiā perpurgat & lumbricos, si sic concinnes. Incœnatū iube esse: postridie thuris drachmam conterito, & mellis cocti drachmam vnā, & vini prædicti sextarium: origanum dato ieiuno,

& puero pro ætate triobolum, & vini hemi-
nam. Hactenus M. Cato, qui in mensuris ve-
hementior paulò est, si hæc tempora & corpora
spectes.

Triobol⁹,
drachmæ
duæ semis

MEDICAMENTOSORVM

VINORVM PARTICVLARES

aliquot formulæ, & præsi-
dia, ex Dioscoride.

Vinum Rhodites seu è Rosis.

ROSARVM contusarum minam linteolo de-
ligatam, in musti sextarios VIII demer-
gito, & post III menses defæcatum vinum
transfundens recondito. Vtile est his qui febre
carent, & ad ventriculi coctiones, eiusque do-
lores, à cibo potum. Valet etiam contra humiditas
aluos & dysenterias.

Mina & li-
bra, idena.

Vinum Absinthites.

Varie sunt apud Dioscoridem vini huius
concinnandi formulæ, ex quibus hanc paratu
faciliorem tibi selegimus. Absinthij Pötici mi-
na tusa, & raro linteo deligata, in cado musti
maccratur binis mensibus. Vtile est vinum id
stomacho, vrinam mouet, coctionem tardam
accelerat. Hepaticis, regio morbo, & renum
vitiis auxiliatur: fastidia discutit, & iis prodest,

Cadus qui
& metreta
dicitur, ca-
pit libras
108.

E iij

quibus ventriculus negotium exhibet. Valet
contra longam præcordiorum distentionem, &
inflationes, teretisque ventris tineas, & re-
moratos menses.

Vinum Hyssopites.

De am-
phora vi-
de supra.

Libra foliorum hyssopi tusorum, & linteolo
raro cum quibusdam lapillis inuolutorum (ut
degrauatus pondusculo fasciculus sidat) in mu-
sti amphoram coniicitur. Vinum post XL dies
defecatum elutriatur. Prodest contra pectoris,
laterum & pulmonis vitia, veterem tuſſim &
suſpiria. Vrinā cit, torminibus & horroribus
februm circuitu repetentibus auxiliatur, ac
menses mouet.

Vinum è Betonica.

De congio
suprà.

Præceptū
vniuersale
& notādū.

Herbam semine prænantem cum suis ramu-
lis, libræ vnius pondere, congiis duobus vini
macerant, & post VII mensem transfundunt.
Ad multa interaneorum vitia, ut frutex ipse,
pollet. Et, ut in vniuersum dicatur, factitia vi-
na, misturarum vires sibi asciscunt. Quare non
difficile fuerit iis qui illarum naturas norunt,
vinorum vires coniectura quadam assequi. Ve-
runtamen, vinorum vsus febricitantibus abdi-
candus est. Fit etiam è Betonica acetum ad ea-
dem vitia vtile.

Vinum Thymites seu è Thymo.

Valet contra aeras coctiones, fastidia, dysenteriam, neruorum & præcordiorum dolores, hybernos algores, & venenata animalia, quorum morsum frigus insequitur, aut putrescit locus. Ad eadem pollet Vinum Origanites.

Vinum ex Asaro & Dauco.

Prius Urinã ciet, ac hydropicis, regio morbo laborantibus, hepaticis, ischiadicisque conuenit. Posterius facit ad dolores thoracis, præcordiorum & vulus. Menses pellit, ruetus euocat, & Urinam cunctantem ducit. Prodest etiam tussi, ruptis & vulsis.

Vinum Saluiatum & Marrubiatum.

Quod prius est, valet contra renum, vesicæ & laterum dolores, sanguinis reiectiones, tussim, rupta, vursa, & suppressos menses. Posterius conuenit vitiis pectoris, & omnibus morbis quibus marrubium.

Vinum ex Apio, Anetho, Fœniculo, & Petroselino.

Omniū eadem est conficiendi ratio, & vires eadem. Sumuntur seminis apij recentis maturi & cribrati vnciæ nouem, linteo raro colligantur, & in musti amphoram demittuntur. Appetentiam excitat, stomachicis auxiliatur & difficili Urinæ, ac faciles spiritus facit.

Vinum Granatorum.

E iij

Varij mo-
di compo-
nēdi vini
Punicorū.

Ex variis artificijs quibus Vinum istud concinnatur, hīc aliquot Dioscoridi ac recentioribus probata conscribemus. Succus exprimitur ab acinis punicorum, quibus lignosus abest nucleus (apyrena vocant) & ad tertias decoquitur, ac ita reponitur. Efficax est contra fluxiones internas, & febrim cum alui profluvio exortam. Vrinam mouet, aluum astringit, & Stomacho admodum est vtile. Alij repurgatos Punicorum acinos, statim prælo subiiciunt, & expressum succum vitreis amphoris recondunt, ibique per se tandiu efferuescere sinunt, quousque deferbuerit & subsidat fax. Deinde in alias transfundunt amphoras, quod à facibus repurgatum eximunt, & oleum super affundunt, ne mora longa vapescat vel corrumpatur & acceseat. Sunt qui repurgatos acinos cum pari mensura vuae nigrae, saporis austeriusculi, remisceant, calcent, & per se efferuescere sinant, quoad Vinum, clarum euadat. Deinde percolatum, in doliolis adseruant: sic enim gustui plurimum arridet. Modum alium expeditum reperies in nostro medico Horto, campi VII, area XI, vbi de facultatibus punicorum agimus, quas etiam agnoscit Vinum ex illis concinnatum, quando factitia vina misturarum vires sibi adsciscunt: Ut ex Dioscoride proposuimus in Vino è Beto-

nica. A quo plura, & longè diuersa Vinorum medicatorum genera reposces.

VINORVM MEDICATO-
RVM PARTICVLARES ALIQVOT
formulæ & auxilia, ex Arnaldo Villa-
nouano, & aliis.

Vinum mirabile pro melancholicis.

QVI laborant melancholia ex bile adusta collecta in vasis hepatis ac venarum, vt scribit Arnaldus, aut natura sunt biliosi, componant sibi vinum secundum aliquam ex præcedentibus formulis, quod capiat buglossi, foliorum senæ, rosarum rubrarum exunguium, florum borraginis & buglossi, singulorum mundatorum, quam voluerint partem, iuxta proportionem vini concinnandi. Huius vsus salubris erit, per Veris & hyemis tempora, & maxime autumnus, in quo præcipue viget melancholia. Si diu seruari debet, tuendæ tantum sanitatis gratia, & non profligando præsentis morbo, excludetur sena, & loco eius substituetur Behen albi & rubri, ana (vt loquuntur) hoc est singulorum, vncia vna. Vinum id, melancholicis tristitiam aufert, ærumnosas cogitationes abigit, letitiam inducit, rationem componit, cor

Vsus vini
melancho-
liam emē-
dantis.

exhilarat, & humorum incinerationes emendat. Valet etiam aduersus quartanas ex adustione factas, & sanguinem à limo ac facibus repurgat, corporisque habitum reparat. Potest id vinum alteri misceri, & solito more sumi, si paulò potentius ac medicamentosius esset.

Vinum cardiacum seu cordiale.

Vinū buglossatum.

Fit ex borragine, melissa, buglossa, & cinnamomo. Prodest aduersus cordis palpitacionem, & cardiacum affectum. Sanguinem corruptum emaculat, scabiem abolet, lepram curat, spiritus recreat, & animum exhilarat. Melancholicos humores & adustos per vrinas educit, ac cerebrū à crassis, turbulentis & arumno-
sis melancholice fumis expedit. Quibus addo, ait Villanouanus, quòd dementes & furiosos, vinculis retinendos, plurimū recreat, & ad rationis discretionisque vsum perbellè reducit. Testis est mihi conscientia, inquit, nisi viderim matronam quandam hinc liberatam: quæ frequenter ex quauis iracundia, velut demens & impos animi efficiebatur, dicenda tacenda loquebatur, & adeò furiosa & intractabilis fiebat, vt ligari cogeretur, donec deferbuisset furor, & illa ad se rediisset. Fuit ei præstantissimo auxilio, & præsentissimo remedio, vini istius vsus, indicatus à peregrino homine quodā, elec-

Historia pulchra.

mosynam pro foribus dictæ matronæ implorāte, ut ille idem Villanouanus scribit. Qui etiam testatur succum borraginis, aut buglosi defæcatum, seu (ut loquuntur) clarificatū, ad superiores affectus valde prodesse, si vino misceatur, & quotidie hauriatur: nec indiget vlla dulcoratione, quòd ex semultū sit dulcis ac suavis succus ille.

Succus
borragi-
nis.

Vinum Passulatum, vel vuarum
Damascenarum.

Passulæ & Damascenæ vuæ, succosæ & à suis vinaceis vel nucleolis repurgatæ, ac parum contusæ, mittuntur in vas idoneum, cui superfunditur mustum, & quibus dictum est modis perficitur. Vtile est senibus, valetudinariis, pituitosis, melancholicis, & mulieribus delicatulis. Pectus lenit, iecur & ventriculum roborat, sanguinem emendat, putrefactioni resistit, nauseas tollit, corpus impinguat, ac bellè nutrit. Asthmati & tussi auxiliatur, coctricem facultatem cum aliis naturalibus, summè iuuat, & lienteriam, alique fluxiones compescit. Syncope tollit, humiditates consumit, ac hydropi aquosæ succurrit. Paucis, qui hoc vino utitur, à pituitosis infirmitatibus defenditur.

Vinū præ-
statissimū
& saluber-
rimum.

Vinum Cydonites, seu Cotoncorum.

Vinum melites, seu cydonites sic fit. Mala

De metre-
ta scriptū
suprà.

Cōpositio
Hydromel-
li.

Vires præ-
stātissimæ
hydromel-
li.

cotonea, seminibus suis castrata, frustulatim
scinduntur, rapi modo, ut scribit Dioscorides,
& duodecim librarum pondo, in musti metre-
tam, diebus XXX maceratur: postea defecatum
vinum reponitur. Id astringit, roborat, & re-
creat. Vnde cardiacis, stomachicis, hepaticis,
dysentericis, nephriticis, & urinae difficultati-
bus, summè prodest. Qui post macerationem
exempta cotonea coquere volet, ac per saccum
excernere, & saccharo condire, habebit cydo-
niatum satis laudabile, & familiae agrotanti sa-
lutare. Est & Hydromelum multis celebratū,
ac falsò Hydromel à plerisque nuncupatū, cum
nihil mellis admittat, et nomē habeat ab aqua,
& cydoniis, quæ Græci μῦλα nuncupant. Hu-
ius compositio hunc habet modum. Nouis im-
bribus coelestis aqua mundo vase excipitur, diu
in umbra quiescit, percolatur defecata, & in
ea tandiu macerantur cydonia, suis interaneis
purgata, & frustulatim diuisa, donec succus
transiisse videatur in colorem vini gilui, aut pal-
lidi. Demum lento igni, ex carbonibus absque
fumo excitato, coqui, ac despumari debet: post-
ea in vas refundi, quod diligenter opertum, loco
idoneo reseruabitur. Post septimum mensem pro
vino uti licebit, ad oīa corporis vitia, quæ robo-
re virium & astrictione indiget: cuiusmodi sunt

resoluta, dissoluta, imbecilla, sudoribus diffluentia, & similia. Viscera omnia laxa recolligit, nauseam & vomitum compescit, lapsam appetentiam erigit, ventriculū firmat, lubricas aluos retinet, hepar calidum emēdat, hæmoptoicis & sanguinem spuentibus succurrit, coctionem adiuvat, ac reptantes in cerebrū vapores deprimit. Ante cibum retentricem facultatem stabilit, intestinis robur addit, & deprauatū illorum motum componit. Vsus eius omni ætati, sexui ac regioni, vt scribit Auicenna, valde congruit, letitiam inducit, sitim restinguit, colorem faciei reparat, debiles renes confirmat, ebrietati ac crapulae occurrit, & conualescentibus omnibus valde prodest. Sed de multis id illi est admirabile, quòd contra auram pestilentem, venena, ac venenata diuinitus opponitur, & præbittur, quemadmodum sepius exploratū vidimus. Caterū, si quis volet ex tempore vinum cydonites sibi comparare, sed superiore multò infirmius, assata cotonea, depellata, & adhuc calentia in vinum generosum mittat, & horis aliquot inibi maceret, deinde vinum illud percollet. Vel purgata cydonia & exenterata, in vino albo perstrenuo ac subtili, diem vnū vel alterum insuccari, & inebriari sinat, postea igni lento, & vase mundo, ad id accommodo excoquenda.

Notādum
& obser-
uandum.

Aliæ for-
mulæ cō-
ponēdi vi-
ni cydo-
niati.

Quomodo
fiat cydo-
niatum la-
xatium.

componat, vinúmque illud transcolet, ac in usum
custodiat. Si reliquias cotoneorum, ut paulò an-
tè ostendimus, condire volet, habebit cydonia-
tum non ignobile. Cui, post secretionem & sac-
chari misturam, si vnà etiam Rhabarbari opti-
mi, & subtiliter puluerati, idoneam portio-
nem adiecerit, aut clementer purgans medi-
camentum aliud addiderit, & miscellanea illa
confuderit, tribulauerit, & recoxerit, habebit
præstantiss. cydoniatum & valde accommodum
aluo mouēdæ, & corpori vacuando, idque mul-
tò certius & salubrius, quàm ex eo quod scam-
moniatum Lugduno adfertur, quemadmodum
in Horto nostro medico haud ita pridem scripsi-
mus. Ad quem, ut reliqua cotoneorum secreta
agnoscas, te libenter mitto. Inuenies illic quod
didicisse iuuet.

Vinum Rosmarinatum.

Inuentio
vini Roris-
marina-
cci.

Vinum ex Roremarino concinnatum, nouum
non est, nec in nostra Europa inuentum: de quo
hūc in modum scribit Arnaldus Villanouanus,
authoris cuiusdam anonymi verba referens. Cū
essem, inquit, in Babylonia, multis precibus &
instanti efflagitatione accepi à quodam vetulo
& docto medico Sarracenorum, virtutes Ro-
rismarini, quas Rabi quidam pro summis habe-
bat arcanis nemini publicandis. Inter alias vi-

num proponebat, cuius compositio non degenerat à formulis aliorum vinorum medicatorum. Eius facultates planè sunt admirandæ in omnibus frigidis ægritudinibus, præsertim capitis & nervorum. Languentem & deiectam appetentiâ excitat, cor suo odore dilatat, spiritus omnes recreat, dissipatos recolligit, cerebrum roborat, mēbra laxa & fluida stabilit, ac tremulas corporis partes cōfirmat, tam potu, quàm fotu: dum facies eo eluitur, elegantem ac summè pulchram reddit, expolit & erugat. Si arteriæ brachiorum & temporum eo intingantur, & foveantur, illico vires cerebro & cordi communicant, & proinde aure contagiosæ ac pestilenti morbo valde occurrunt, partes illas principes aduersus huiusmodi luem armādo ac roborando. Vsum insuper habet summum, ac facultates eximias, ut corpus reddat immune ab anthracibus, furunculis, scabie, & malignis pustulis oībus, excremētitiis superfluitates, ac superflua & mucosa excrementa dissipando, & internas corruptiones emendando. Pituitam incīdit, melancholiam diluit, sanguinem emaculat, obstructa reſerat, crassa tenuat, lenta diffecat, & ab omni corruptela corpus vindicat. Quandocunque os vino isto colluitur, suauem & odoriferum conciliat halitum, dentes emendat, gingivas robo-

Miræ facultates
vini ex
Rore marino.

Reuale-
scences ex
lōga infir-
mitate.

Vinū Ros-
marinatū
theriaces
vicarium.

rat, & si quod vitium illis inest, ad vnguent
curat. Hulcera manantia & humida resiccat,
putridisque febribus summè auxiliatur. Si quis à
longa infirmitate reualefcens, pane tosto, &
huic vino intincto, necnon saccharato, ieiunus
vtatur, collapsam appetentiam suscitabit, ac
ventriculo summè commodabit. Phthisicos, he-
cticos, paralyticos, lethargicos, epilepticos, car-
diacos, quartanarios, coeliacos, pulmonarios,
podagricos, nauseabundos & fluxionibus obno-
xios quosuis, tam potu, quàm fotu, mirū in mo-
dum adiuvat. Quod etiā præstare fertur vinum
macerationis & decoctionis florū eiusdem. Sed
ex omnibus facultatibus, quas præstantissimas
habet vinum istud, ea est, quòd theriaces vica-
rium vbiq̃ue habetur, contra venenatos cibos
& potiones, necnon venenata omnia, aut vene-
ninaturam habetia. Quod postremum erit, mi-
randum in modum auxiliatur mulieribus, quæ
mensium suppressione, & vteri affectibus labo-
rant: facitque plurimū ad conceptus, etiam si
longo tempore desperati sint. Hæc partim ex
Villanouano, partim ex multorū experimentis
& libris, bona fide hîc tibi communicare &
impertire volumus.

Vinum obstructions aperiens, &
melancholicos emendans.

Fit

Fit ex foliis & radicibus cichorij, scolopendreae, endiviae, & aliquot summitatibus absinthij. Quae post longam macerationem in vino, & sufficientē decoctionem percolantur, & vinum aliud superfunditur, recoquitur, ac postremo per colatorium exceptum, priori miscetur, & in vase idoneo reservatur. Si insignem amorem, aut gustum aliquem ingratum prae se tulerit, emēdabitur, quo dictum est modo in Fructibus medicatis. Valet tale vinum ad tollēdas obstructions hepatis, lienis, & viscerū, amolendosque affectus hinc natos: quales sunt icterus, nubilium pallidi colores, & similes. Si uncia una, vel drachma decem epithymi & polypodij quercini, modicē contusorum, macerentur in selibra generosi vini albi, & leniter ferueāt, deinde percolentur & hauriantur, melancholicis opem miram adferēt, si potio per aliquot dierum intervalla repetatur. Compositio copiosa fieri poterit, & ad usum reservari.

Vinum ad omnes obstructions.

Vinū pro melācholicis.

Vinum Euphragiatum ad oculos.

Mittitur Eupragia in mustum, & quibus dictum fuit modis conficitur vinum, cuius usu oculi senum iuvenes sunt. Nam impedimenta quibus visio deprauatur, aut imbecillior evadit, ab omni homine cuiuscunque fuerit aetatis, habitus & temperamenti aufert. Novi quēdam

Impedimentorū visus ablatio.

F

Impedi-
mentorū
visus abla-
tio.

inquit Arnaldus, multo tēpore nihil videntē,
& hinc vitam miserē trahentem, qui intra an-
num præsidio huius vini, visionem sibi repara-
uit. Nam eo priuilegio dotata est planta vnde
conficitur, vt vitiatis oculis præsentiſſimo sit re-
medio: adeò quòd si puluis eius cum vitello oui
exhauriatur, rem miram in restauranda visio-
ne præstabit. Idem fiet si cum vino albo propi-
netur, cui præmacerata vel præbullita sint ali-
quot fœniculi grana. Cuius rei testes sunt multi
adhuc superstites (inquit Arnaldus) & fide di-
gni, qui factò experimento, literas etiam minu-
sculas & subtiles legerunt, cū antea, absque
perspicillis & ocularibus, ne maiusculas quidem
videre possent. Si id vini aqua fœniculi tem-
peraueris, eius vires summè augebis.

Vinum Enulatum.

Enula cā-
pana red-
dit præcor-
dia sana.

Vinum in quo per triduum macerata fuerit
Enula campana, seu Helenium, mirabili effe-
ctu visum illustrabit, & pesti pugnabit, menses
ac vrinas mouebit: inflationibus, torminibus,
serpentium morsibus, & tussi ac pectoris vitiis
etiamnum auxiliabitur.

Vinum Saluiatum.

Quocunque fiat modo vinum è Salvia siue
per decoctionem plantæ in vino, siue per suspen-
sionem eiusdem in sacculo, mirabilis est vsus &

facultatis aduersus gingiuarum vitia & relaxationes, dentium vacillantium dolores, nervorum & nervosarum partium affectus, paralysis, contractionem, conuulsionem, tremorem, & similes. Nam nervos valde roborat, recreat, ac sustinet, tã potu, quàm calente fotu, post longam & blandam frictionem. Nec quidquã est, ut tradit Arnaldus, eo præsidio certius ac melius. Prodest etiam aduersus epilepsiam, quæ vitio stomachi, vel uteri, per partiũ sympathiam & consensum excitatur. Reliqua tibi cõferenda erunt, cum his quæ de facultatibus Saluie scripsimus in Horto medico: quando medicata vina, eorum vires referũt, quibus remiscuntur, ut ex Dioscoride antea adnotauimus.

Salvia in
nervorum
affectibus
præstatis-
sima.

Vinum Hyssopites.

Hoc vinum cum glycyrrhiza dulcoratum, vel saccharo, propriè & peculiariter vinũ se-
num dici solet. Nam vim habet digerendi, in-
cidendi, tenuandi, tergendì, aperiendi, attra-
hendi, & vrinas mouendi. Magno est auxilio
in humida tussì, & epilepsia, maximè puerili.
Humiditates ventriculi & uteri desiccant, potu
& fotu. Pulmonis bröchias, ab infarctu & ob-
structione liberat: vias oēs vocales à pituita ex-
pedit, hydropicos iuuat, & humiditate laxatas
partes, fomētis calidis desiccant, reficit ac roborat.

Vinum se-
num & pi-
tuitosorũ.

Vinum Fœniculatum.

Multę vti-
litates ex
vino fœni-
culato.

Conficitur hoc vinum ex semine fœniculi, valétque plurimùm aduersus oculorum caliginem, ventris flatus & tormina, hydropem, & cakexiam, seu malum corporis habitum, in pueris maximè. Quod se expertũ tradit Arnaldus. Præterea venenis ac cibis malarum qualitatum occurrit, & contra tusses, pulmonisq; vitia summè opitulatur. Lac & genitale semen multiplicat, nauscam tollit, laterũ dolores sedat, colicos cruciatus demulcet, ventos internos dissipat, coctionem iuuat, obstructa aperit, & splenis, hepatis ac ventriculi labores finit. Si ex radicibus cõponatur id vinum, nephriticis & renum calculo vexatis medebitur, vrinas proliciet, vesicæ commodabit, ac menstrua soluet.

Vinum Eryngatum.

Vinũ con-
ceptus ad-
iuuans.

Fit, vt cætera vina, tam radice quàm tota planta. Stranguriam & vrinæ stillicidium statim soluit addito saccharo, & ad generationem mulieres cessantes excitat, imò etiam viros, semen augendo. Menses ac vrinas pellit, & tormina inflationesq; discutit. Prodest etiam contra iecinoris vitia, venena, pestem, & alia à multis experta.

Vinum Anisatum,

Obstructiones internas liberat, flatus discu-

tit, ructus acidus componit, coctionem reparat, & coli excarnificationes emēdat. Sed omnium maximè mulieribus prodest, quibus lac multiplicat, si comite optimo saccharo affatim diebus aliquot hauriatur. nam sic efficacissimum esse censetur. Renum dolores & vitia ex flatibus amolitur, ac arenulas ab iisdem clemēter excludit: maximè si quis præsumpserit dianisum & diatragacanthē. Nam statim cruciatibus sedatis, a congestis arenulis emundantur renes, & vna cum vrinis eluuntur.

Remediū optimum aduersus renū arenulas.

Vinum Rhodites, seu è Rosis.

Aestium dici potest vinum hoc, quòd per aestatem & calores corporibus summè conueniat. Fit ex rosis rubris exunguatis, desiccatis, & musto, vt dictum est, impositis ac tractatis. Idem multò citius, sed imbecillius, concinnabitur, si in vini amphoram tantum rosaceæ aquæ immittatur, quantum cuiusque gustus, & odoratus ferre poterit. Internos aestus refrigerat, cor et viscera roborat, facultates corporis vanescētes sustinet, membrorum laxitatem firmat, dissoluta resarcit, dissipata recolligit, diffuentes sudores continet, putredini resistit, & pestilenti aera ac febre, præstantissimum est remedium. Biliosis & calidis naturis admodum est salubre, efficaciterque prodest contra lenteriam, dysente-

Vinū aestium.

Miræ facultates vini rosacei.

Faciei decus & venustas.

nam, retentricem imbecillam, vomitum, nauseam & syncopem, maximè si aqua pluuiali & chalybeata temperetur. Si eo frequenter os coluatur, præter quàm quòd dentes imbelles firmabit, & fluidas gingiuas roborabit, etiam halitus summam gratiam præstabit. Si facies eo lauetur cum succo limoniorum, indicibile decus, & admirandam venustatem illi cõparabit. Si guttula vna oculis instilletur, illorum aciem emendabit. Nam ratione vini detergebit ac munda-
bit, & rosarum causa, oculorum substãtiam roborabit, recolliget, ac firmabit.

Vinum Halicacabi, seu Alkekengi.

Hoc vinum fit ex Halicacabi acinis seu cerasiis, quando sub vindemiam in suis vesiculis flauescunt, & hinc maturitatem præ se ferunt.

Extemporanea cõpositio vini Halicacabi.

Compositio cadit in aliquem modorũ initio descriptorum. Si ad extemporaneam concinnationẽ vrgeret necessitas, hac incedes via. Aliquot ex dictis cerasiis in generosissimo vino albo conterentur, macerabuntur, vna & altera ebullitione feruebũt, percolabũtur, & addito saccharo, vel tantillo cinnamomi, si opus erit, vinum haurietur. Valet contra dysuriam, vrinæ inuitã retentionẽ, ac difficilem eius expulsionem. Nam statim illam elicit, & quantumcunque suppressa fuerit, abundè fluere cogit: vnà è renibus are-

Aduersus vrinæ vitia.

nulas adeò copiosas, & attritos calculos secum educens, vt manu excipi & facile discerni possint. Hinc fit, vt assuetus, & domesticus illius vsus, nephriticos & calculosos multos à sauis-
simis cruciatibus, ceu à quopiam immani tortore, quasi diuinitus, me monitore & consultore, eripuerit. Sed vsum illius imperabam, circa nouilunia & paulò post, repurgato prius corpore cum recenti cassia Rhabarbarata. Si inueteratus erit affectus, vt in senibus, longiore mora & vfu opus erit. Sed eam in rem mihi succurrit historia, ab Arnaldo Villanouano ad hunc descripta modum. Fuit tempore meo, Cardinalis quispian, cui per totum quatrimum adeò vrina suppressibatur, vt iam totus venter inferior, vtrius modo, miserè turgeret: ex quo nihil promouentibus remediis, pro deplorato & conclamato habebatur, nisi quidam medicus Empiricus, velut ad machinas deus, opportunè illi adfuisse, & magno ac foelici successu, vinum halicacabi propinasset: nam hinc vsque adeò solutus fuit ei vesicae sphincter, & ostiolum, vt concham vnā, inquit Arnaldus, iugiter effuso & reddito lotio, impleuerit. Quo solo experimento medicus ille, alioquin ignobilis & parum eruditus, magnus ac diues euasit.

Remediū
præstatis-
simum pro
nephriti-
cis.

Pulcherri-
ma histo-
ria.

Empirico-
rum fortu-
na impro-
uisa.

Vinum Caryophyllatum.

F iiij

Senib^o vi-
num accō-
modum.

Caryophylli sacculo, aut linteo raro inclusi, merguntur intra mustum: vel, quod satius est, suspenduntur. Vinum valebit cōtra asthma antiquum, & putrem senum tuſſim, syncopem & epilepsiam. Coctionem iuuabit, frigidum stomachum recreabit, & halitus suauitatem conciliabit. Verūcnimuerò quia corpus summè calfacit, consultissimum fuerit, ei vel saccharum vel glycyrrhizam addere, aut aquam.

Vinum Gramineum.

Ad vrinæ
impedi-
menta &
labores.

Cōponitur ex radicibus graminis probè mundatis & elotis. Lumbricos occidit, renes ab arenulis vindicat, vesicam lotio grauidam & impeditam exonerat, obstructions hepatis aperit, necnon mesaraicarum, quæ ex cruditatibus fiūt. Dolores arthriticos placat, vacuata eorum materia pituitosa per vrinas. Nam radix graminea etiam inter diuretica recensetur. Si vinū id concinnare voles ex Polygono mare, seu centinodia, quam officinæ corrigiolam vocant, & linguam passeris, habebis præstantissimum auxilium, mihi sæpenumerò in quamplurimis fœlicissimè expertum ad vitia omnia renū & vesicæ: maximè contra arenulas, calculum, nephritim, dysuriam, & colicos ex his cruciatus.

Vinū opti-
mū, & val-
de proba-
tum.

Vinum Ebulatum, seu ex Ebulo
vel Chamæacte.

Vinum hoc solutivum est alui, & fit ex acinis ebuli maturis. Qui vindemie tempore parum calcati, in musto feruent, despumantur, per colatorium vimineū transmittuntur, & vinum defecatum vsui custoditur. Aliter, cū musto, lento igni feruent, donec pars tertia absumpta fuerit: deinde spuma exclusa, nocte vna sub dio quiescunt: postridie, vt prius, percolantur. Sunt qui pro acinis radices vsurpent, &, quo dictum est modo, componant. Pituitam & bilem trahit, hydropi medetur, vulvarum claustra aperit, vlceribus tam internis quàm externis prodest, ac omnium maximè ischiadicis, podagricis, & lue Venerea infectis. Nam vi sua deiectoria, dolores eorum mirificè demulcet, vacuata & reuulsa materia, quæ ad fluxum parata erat, & iam iam fortassis viam sibi fecerat. Sed stomacho non nihil incommodat, ob id odoratis in vinum missis recreandus, ac roborandus erit.

Compositio
ebulati
vini.

Vinū ad-
uers⁹ lue
Venercā.

Vinum, foetum in grauidis continens, & steriles ad concipiendum præparans.

Vinum flatus è corpore deturbans, & grauidas ne abortiant summè adiuuās, foetumque, donec legitimum adfuerit pariendi tempus, illæsum ac vegetum custodiens, hanc habet compositionem. Accipe seminum apij, menthæ siccæ

Composi-
tio præstā-
tissima vi-
ni.

Sterilitatis
causæ, &
cōceptus
impedi-
menta.

& ammeos, singulorū drachmas tres: mastice,
 caryophyllorū, cardamomi, rosarum rubrarum,
 singulorum drachmam vnam: cinnamomi, cor-
 ticum capparum, castorei, Zedoariæ, ireos Illyri-
 cæ, singulorum scrupulos duos, sacchari albissi-
 mi & optimi libras duas. Fiat ex his omnibus
 vinum, quo solet modo componi aromatites,
 vulgò Hippocraticum nuncupatum. Vsus erit
 manè & serò, parua quantitate. Roborat vteri
 ligamēta, vterumque ipsum exhilarat, & vir-
 tutem eius retentricem ad perferēdum onus ge-
 stationis summè iuuat. Præterea, steriles, ob fla-
 tulentam vteri dispositionem, vel eius frigidi-
 tatem, humiditatem, aut lubricā naturam, quæ
 genitale semen sibi concreditum diffluere sinit,
 emēdatus & reparatus huiusmodi vitiis, ad con-
 cipiendum, retinendum & generandum habi-
 les reddit. Hactenus, maxima ex parte, Ar-
 naldus Villanouanus, medicus & philosophus
 excellētissimus, quem pro nostra tenuitate, pau-
 lō tersiūs loqui fecimus quàm ferebant tempo-
 ra, in quibus prauè, sic satis, scribebat, sed rectè
 & peritè medicinam faciebat, sat superque per-
 suasus, remediis, nō verbis, morbos curari. Alia
 medicata vina ex quibuscunque plantis & re-
 bus medicamentosis ac salubribus, iuxta præce-
 dentes formulas componi poterunt, quorum fa-

cultates, miscellaneorum illis immisforum facultatibus, conformes erunt.

VINVM GVAIACI ET

EIVS LEGITIMA COMPOSITIO,
ac vera exhibitio: cum exacta metho-
do curandæ luis Veneræ, seu scabiei
Hispanicæ, aut morbi Neapolitani, ex
Petro Andrea Matthiolo Senensi.

CAVENDVM est à quibusdā impostoribus, Error, &
qui cū sint earum ignari rerū quæ ad me- impostura
dicæ facultatis contemplationem spectant, dum quorūdam
lignum Guaiaci, vel eius cortices ex vino deco-
quunt, cyclaminum, bryoniam, pityusam, colo-
cynthidem, & turpetum admiscent, atque alios
mille cacodæmones, qui eos de medio tollant.
Quippe nulla habita temperamēti, ægritudinis,
temporum anni, sexus, nec ætatis ratione, singu-
lis diebus huiusce decocti tepidi cyathum omni-
bus indifferenter potandum exhibent. Quo fit,
vt si sorte quadam vnum quandoque persanent,
decem postea iugulent, tāquam improbi carni-
fices. Verū, vt quisque horum manus euitare,
atque effugere possit, operæpretiū visum est, vi-
ni Guaiaci cōficiendi rationē subiūgere, ac sub-
inde hauriendi modum addere. Sumito igitur li-

Cōpositio
vera & le-
gitima vi-
ni Guaiaci.

Alia vini
Guaiaci
cōpositio
vindemiæ
tempore.

gni Guaiaci præstantissimi, limâ in scobem tenuissimam attriti, aut tornatili instrumento minutim concisi, libras quatuor, corticum eiusdem libras duas: cardui benedicti librâ vnam & semis: adianti, aspleni, florum vtriusque buglossi, cuiusque librâ: cassiæ odoratæ drachmas sex: seminis anisi fescunciam, sacchari libras quinque. Deinde coniiciantur omnia in cadum vinarium mundum aptæ capacitatis, desuper affusis vini albi quamoptimi & feruētis, libris centum & quinquaginta, mox diligenter vas operculetur, omniâq; sic macerari triduo dimittantur. Post triduum verò linteo percolētur, asserueturque huiusce macerationis vinum, in alio vase ad ægrotantium potum. Siquidem bibitur hoc tam in prandio quàm in cœna, secūdi Guaiaci decocti loco, non manè, neque vesp̄eri, serap̄i vice, quemadmodum temerè multi facere consueuerunt. Hoc idem vinū longè etiam melius, & maiore quantitate vindemiarum tempore, confici potest, admixtis ligno, cortice, cæterisque aliis, recentibus viuis albis in mustum compressis, ibique tandiu dimissis, quousque mustum efferuescere desinat, & pellucidum, clarumq; reddatur: verūtamen multiplicanda sunt omnia, quæ conueniunt medicamenta, pro vuarum ratione.

Præter huius vini potum cibus associandum, bis in die, manè scilicet & vespèri, tribus aut quatuor horis antea quàm sumatur cibus, ægrotantibus exhibeo decocti ligni ex aqua, secundum communem medicorum vsum senas, vncias, admixtis vnciis duabus liquoris, hoc modo paradi.

Sumito primū adianti, lupi salictarij, fumariæ, aspleni, senæ, singulorum manipulos tres: radicem centaurij magni, glycyrrhizæ, filiculæ, utriusque buglossi, singulorum vncias quatuor: seminis anisi, melanthij, florū satiui & erratici buglossi, omnium santalorum, cassiæ, quæ cinnamomum vocant, singulorū drachmas quinque. Hæc ex aquæ libris viginti quatuor, decoquantur ad tertias, demum colentur. Sumito deinde præstantissimæ senæ, libras duas: coniicito in vas fictile oris angusti, demū percolatū decoctum feruens superimponito, ac inde obturato fictilis ore puluinari anserinis plumis farcto, ignique prius calefacto, fictile inuoluito, & loco calido collocato, ac ita per diem & noctē reponito. Postridie verò manibus sena premitur, mox dilutum percolatur: cui adiiiciuntur diluti rosarum efficaciter aluum subducentis libræ sex, sacchari libræ octo: efferuescunt deinde simul subiecto igne quousque tertia pars vanescat. Quo facto additur electissimi Rhabarbari minutim cōcisi

Cōpositio
liquoris
præstantis-
simi.

Senæ præ-
paratio
optima.

uncia, ac ita iterum feruent omnia, donec Zulapij modo consistat liquor. Postremò percolatur linteolo, & vase vitreo reconditur. At si agrotantes multa pituita redundet, decocto præscripto, optimi turpeti uncia vtiliter addi potest.

Victus ratio pro dietariis Venereo morbo correptis.

Supereſt victus ratio, quæ agro talis præſcribenda eſt, ſcilicet vt tam in prædio quàm in cœna edat panis ternas tantùm uncias, ſitque iſ ſimilaceus, ac probè in clibano coctus: item totidem carnis pullorum gallinaceorum, perdicum, attagenarum, turdorum ac auicularum, in ſyluis, vineis ac montibus victitantium, aſſatæ potius quàm elixæ: quin & vuæ paſſæ modicum. Bibat autem oportet præſcripti vini æquam cum cibo menſuram. Quòd ſi quis purum id bibere nò poſſet, diluatur aqua quæ i phialis vitreis addita Guaiaci unciola, breui tēporis ſpatio efferbuerit.

Quo tempore inſtituenda dietæ & cura.

Tempus huic curationi aptiſſimum eſt Ver, Martio, Aprili & Maio menſibus. Quòd ſi hoc tempore fieri non poſſit, fiat menſe Septembri in Autumno. Nā ſicut æſtiuis ardoribus, & exurente iam Sirio, non modò diuturna pharmaca, ſed ne quidē breui tolerāt hoīes: ita nec brumali tēpore, dum ingēti frigore ſcuiſ hyems. Interea ægris ſine metu noxæ indulgere licet, modò cæli ſerenitas adſit, vt quādoq; in proximis hortis, ac viridariis ſolatij cauſa, lento gradu deambulent.

Quippe quoniam huiusmodi hortorum amœnitate, animus plurimum leuari solet.

In hac etiam curandi ratione, quosdam magis, alios minus perseverare oportet, pro morbi necessitate, & salutis mensura. Hac ergo ratione vinum Guaiaci exhibitum, nō modò medetur cuique acerrimo Hispanæ luis & Neapolitani morbi incommodo, sed etiam diuturnis articulorum, capitis, neruorum, ventriculi, iecinoris, lienisque morbis pituita genitis, mirificè succurrit. Nec minùs etiam podagra laborantibus opem fert, modò diuturna admodum non fuerit ægritudo. Porro in hoc etiam illud observandum est, quòd ego Guaiaci vinum iis tantum potandum exhibeo, quibus tantum pituita redundet, vel saltem non exuperet bilis. Si quidem biliosis secundum ac tertium ligni ex aqua decoctum, vini loco semper cum cibus præbendum cœsui, ut cōmuniter ab aliis fieri solet. Hactenus Andreas Matthiolus Senensis, medicus doctiss. & diligentiss. suis in Dioscoridem Cōmentariis. Qui nostro instituto colophonem imponet.

Quibus
profit vini
Guaiaci
exhibitio.

FINIS VINORVM MEDICATORVM
per ANTONIVM MIZALDVM Monlu-
cianum, Medicum, publicè
omnium vtilitati pro-
positorum.

1564.

COMPOSITIO PRAESTAN-

TISSIMI VINI AC DILUTI

è Sena, cum viribus & facultatibus ipsius Senæ.



O P V S C V L V M de factitiis & medicatis vinis, iam iam, ut vides, ad umbilicos perduxeramus, suamque typographus impressoriam supellectilem & literarias machinulas colligere festinabat, cum mihi in mentem venit vinum è Sena compositum, tantoperè à multis celebratum & comendatum: quod quo fato superius nobis exciderit, planè ignoro. Scribam itaq; paucis de eo, & facultatibus Senæ, ac diluto ex illa salubriter & efficaciter comparando: quando nullum hodie medicamentum purgans, omni ferè populo, frequètius habetur, ac familiarius vsurpatur. Diximus paulò antè, vinum maximè amicum esse calori innato, ac summè accommodum corpori alendo, fouendisque & roborandis illius facultatibus, ac reparandis spiritibus collapsis, vel aliter affectis. Adhæc, medicamenta vino infusa, & macerata, suū opus accelerare, ac multò præstâtiora euadere, etiam si tardæ & pigre fuerint operationis. Ex quo rectè Abinzoar

Vinum è Sena in superioribus prætermisum.

Vini natura & privilegium.

G

DE FACULTATIBVS SENAE.

Pulcherri-
ma & no-
tatu di-
gna.

Composi-
tionem vi-
ni Senerici
non differ-
re ab aliis
medicatis
vinis.

Sena tor-
minosa.

medicus Arabs dixisse mihi videtur, nec cibū,
nec medicamentum, vino vnquam priuari de-
bere: & Mesues eiusdē familiae Doctor excel-
lentiss. ingenium medici eò maximè aspirare de-
bere, vt medicamentorum sapor in cibariorum
gustum conuertatur. Nam tum natura sese ex-
plicat & liberè componit, vt quod offertur, hi-
lariter ac iucundè amplectatur, sicuti initio me-
dicamentorum vinorum fusiſsimè exposuimus. Qui
itaque vinum ex selecta Sena concinnare sata-
gunt, nā illi præclarè sibi consulunt: cuius com-
positio latum, quod dicunt, vnguem, nō differt
à formulis antea descriptis. Si vindemiæ tempo-
re conficies, optimè ac salubriter ages. Nam ita
copiosum tibi, familiae, & amicis, facile compa-
rabis. Cui si addideris aromatica, stomachica &
cardiaca, nec non flatus dissipātia, aut acria, non
solum purgatorias vires ei accelerabis, sed sto-
macho ac visceribus summè etiam cōmodabis:
ob tormina quæ Sena excitare solet: licet id neget
Manardus, ea potissimū causa, quòd illam folia
(quibus maximè vtimur) subamara et adstrin-
gentia habere dicat. Vt vt sit, torminosum me-
dicamentum esse experimur, etiam in paratis
corporibus, quidquid cum doctiss. Manardo
scribat Andr. Matthiolus, medicus præstantiss.
Ioannes Mesuæ hanc vini Senerici compositio-

DE FACULTATIBVS SENAE.

nem profert. Vino musteo albo, inquit, miscebat quidam vim magnam Senae, post tres mēses potandum dabat, sicque purgabat cerebrum, & sensoria instrumenta, gaudiūque augebat. Sunt qui decocto Senae cum prunis & spica, feliciter purgent: sed modicam coctionem sustinet. Infunditur ab aureis tribus ad vnciam vnam. Clementer deturbat melancholiam & Senae facultates præstantissimæ. bilem vstam à cerebro, sensuum organis, pulmone, corde, hepate & liene. Proindeque morbis dictarū partium, ab humore huiusmodi proficiscentibus succurrit, vt melancholicis febribus & antiquis: gaudium gignit, ablato humore sine causa externa tristante. Floridum corpus efficit, & viscerum obstructions aperit. Venio ad eximiam illam & exactam præparationē diluti Senetici, aut, si mauis è Sena, quam Andreas Matthiolus medicus doctiss. hunc in modum præscribit. Sumuntur foliorum electissimæ Senae drachmæ sex: Zinziberis, aut cinnamomi contriti, drachma vna: florum buglossi drachmæ due: miscenturque omnia, & fictili vitreato, aut stanneo vase angusti orificij excipiuntur, affusisque feruentis aquæ, vel seri caprini vncius decem, vasis osculum adeò occluditur, vt nullus omnino spirandi pateat exitus. His peractis, puluizari plumis anserinis farcto,

Senae facultates præstantissimæ.

Compositio diluti Senetici præstantissimi.

DE FACULTATIBVS SENAE.

Vires di-
luti Sene-
tici.

Miræ fa-
cultates
Senæ.

Morbus
Hispani-
cus.

igni que calefacto vas inuoluitur, reponiturque in arca ubi pernoctare sinitur. Sic enim conseruato calore, dilutum omnem facultatem in se recipit. Eductet non solum bilem utramque, ut ex Mesuæ diximus, sed etiam pituitam, ut tradit Actuarius, & experientia probat, adhuc aquas & serosa excrementa. Mūdat cerebrum, cor, iecur, lienem, pulmonem, & omnes corporis sensus, confertque omnibus eorum incommodis: auget iuuentutem, senium tardat, & animi hilaritatem inducit. Cor roborat, maxime si commisceatur medicamentis, quæ illi sunt amica, ut violis, rosis, floribus utriusque buglossi, & similibus. Præterea delirio, ut tradit Serapio, mirifice prodest, necnon amentia, resolutioni neruorum, phthiriasi, cephalalgia, scabiei, pustulis, pruritu & epilepsia. In vniuersum medicina est optima morbis omnibus diuturnis & melancholicis. Decoctum foliorum eius & chamæmeli, cerebrum & neruos lotionem roborat, aciemque oculorum, & auditoriam facultatem plurimum emendat. Sed prætereundum non est, quod in morbo Hispanico, ex Manardi sententia, maximopere pollet, putres materias ac pituitam, contra Auerrhois opinionem vacuando & expurgando. Sed in facultatibus Senæ versatum satis: quas hic fusissimè persequi

DE FACULTATIBVS SENAE.

Volui, vt, rogatus, nonnullis gratificarer, qui in
illarum cognitione & aucupio summoperè la-
borabant ob frequentem eius vsum: quem nos
etiam popularem esse non ignoramus, ac pueris,
senibusque & mulierculis omnibus admodum
familiarem, ac penè domesticum: adeò vt non
Sena, sed Sana hodie à multis nuncupetur. Fru-
ere, bonis auibus, quisquis amas mentem tibi
sanam in corpore sano.

Sena à
multis ho-
die Sana
dicta.

LIBRI AB ANTONIO MIZALDO

Monluciano hactenus editi, & publica
omnium utilitati expositi.

PHAE NOMENA, siue temporum signa. Lutetiae excu-
sa, apud Reginaldum Calderium, 1546.

Idem liber Gallicè conuersus, sub nomine, *Le miroir du
temps*. Lutetiae apud eundem, 1547.

Meteorologia, siue rerum aëriarum Commentariolus,
&c. Lutetiae apud eundem, & anno eodem.

Idem liber Gallicè conuersus, facto nomine, *Le miroir
de l'air*. Lutetiae apud eundem, 1548.

Cometographia, crinitarum stellarum naturam & por-
tenta libris duobus pulcherrimis proponēs. Lutetiae apud
Christianum Vvechelum, 1549.

AEsculapij & Vraniaë medicum & astronomicum col-
loquium. Lugduni apud Ioannem Tornæsum, 1550.

G iij

LIBRI AB ANTON. MIZALDO

Planetologia, astronomicè & medicè descripta. Lugduni apud Matthiam Bonhomme, 1551.

De Mundi sphaera, seu Cosmographia libri tres. Lutetiae apud Gulielmum Cauellat, 1552.

Zodiacus, siue duodecim signorum caeli Hortulus. Lutetiae apud Carolam Guillard, 1553.

Planetæ, seu Planetarum Collegium. Lutetiae ibidem & anno eodem.

Asterismi, siue stellatarum caeli imaginū Officina, cum Encomio docti Astronomi, ibidem & anno eodem.

Catalogi sympathiae & antipathiae rerum aliquot memorabilium. Lutetiae apud Iacobum Keruer, 1554.

Ephemerides aëris perpetuae, seu popularis & rustica tempestatum Astrologia. Lutetiae apud eundem, & anno eodem.

Idem liber Gallicè conuersus, sub nomine, *Les Ephemerides de l'air, Et Astrologie des rustiques*, apud eundem, & anno eodem.

Memorabilium naturæ arcanorum Syluula, Lutetiae apud eundem, 1555.

Harmonia cœlestium corporum & humanorū, astronomicè & medicè demonstrata, apud eundem, & anno eodem.

Ephemeris cœlestis anni 1555 præter vulgarem modum supputata & descripta, apud eundem, & anno eodem.

Ephemeris eadem Gallicè edita, apud eundem & anno eodem.

Vsus & explicatio Ephemeridum, anno eodem, & apud eundem.

Symbolum funebre in obitum Orontij Finxi, Regij mathematici, cum eiusdem vita & tumulo, apud Aegidium Gourbin, Lutetiae 1555.

L'Explication, vsage Et pratique des Ephemerides celestes, avecques tables à ce necessaires. Lutetiae apud Iacobum Keruer, 1556.

Ephemeris anni 1556. apud eundem, anno eodem.

Eadem Ephemeris Gallicè edita, anno eodem, apud eundem.

Ephemeris anni 1557. Lutetiae apud eundem, & anno eodem.

H A C T E N V S C O M P O S I T I .

Eadem Gallicè reddita, anno eodem, apud eundem.

De arcanis naturæ libelli quatuor pulcherrimi. Lutetia, apud Iacobum Keruer, 1 5 5 8.

In eadem atrocissimam Ant. Minardi, in Senatu Parisiensi Præsidis inculpatissimi Nænia. Lutetia apud Federicum Morellum, 1 5 5 9.

Hortorum Secreta, cura, & auxilia, libris tribus utilissimis proposita. Lutetia apud eundem, 1 5 6 0.

De hortensium arborum Infitione, apud eundem, & anno eodem.

Paraclesis super morte Francisci Oliuarij, Galliarum Cancellarij prudentissimi. Lutetia apud Bened. Preuotium, anno eodem.

Singuliers secrets & secours contre la peste, bien experimenter. Lutetia, apud Mathurinum Breuille, 1 5 6 2. Hodie apud Federicum Morellum.

Les louanges, antiquitez & excellences d'Astrologie. Lutetia, apud Thomam Richardum, 1 5 6 3.

Instruction fort populaire pour la cognoissance des Lunes, en tous temps. Lutetia, apud eundem, & anno eodem.


Alexikepus, seu auxiliaris & medicus Hortus. Lutetia, apud Federicum Morellum, 1 5 6 4.


Methodus noua medicandorum fructuum, olerū, radicū, plantarum, vuarum, & aliorum, quæ corpus blandè & absque noxa purgent. apud eundem, 1 5 6 4.


Diuerfa artificia componendorum vinorum quæ variis morbis clementer succurrant, cum multorum descriptione, & auxiliis. apud eundem, & anno eodem.


Auxiliaria medicamenta ex quadrupedibus, volucribus, & aquatilibus, tam domesticis, quàm villaticis, libris tribus pulcherrimis descripta, & propediem excudenda.


F I N I S .














10

126

2